

鐵琴銅劍樓藏書目錄

鐵琴銅劍樓藏書目錄卷第二十二

常熟瞿 鏞子雍

集部四

別集類四

閑閑老人滢水文集二十卷

舊鈔本

金趙秉文撰前有元光二年楊雲翼序據序云今禮部趙公自擇其所爲文章釐爲二十卷則此本實閑閑自定也案元遺山所作墓誌及中州集小傳皆言滢文集前後三十卷又歸潛志云閑閑晚年自擇其文凡主張佛老及爲二家所求作者另作一編號閑

藏書目錄卷二十二

閑外集此二十卷本殆闕外集遺山特合言之耳舊
爲何小山鈔自毛氏以曝書亭藏本對校義門老人

復以意校過并加評點

卷首有髯何焯之印二朱記

遺山先生文集四十卷

明刊本

金元好問撰張德輝編有李治徐世隆序後有附錄
一卷並王鶚後序元刻本不傳弘治間御史沁水李

瀚得其本於太僕儲璫刻之瀚有序

卷首有竹鵞圖史之章季振宜

印諸朱記

湛然居士文集十四卷

鈔本

元耶律楚才撰集中詩爲多惟第八卷與十三十四

卷中有文蓋當時未經編定遽以付刊者有王隣孟
攀鱗序李微後序

藏春詩集六卷

舊鈔本

元劉秉忠撰題中書參知政事魯國文定公左山商
挺孟卿類集有閻復馬偉黎近序舊藏橋李曹氏板
心有橋李曹氏倦圃藏書八字秀水胡菊圃重以天
順刊本校過卷首有題記云集中止有七言律詩七
言絕句及詩餘而無古詩及五言律絕詩其非全書
明矣又云曹氏書未經點勘茲借武原張氏清綺齋
藏雕本校對一一改補因識歲月乾隆丙戌歲仲秋

十日

卷首有秀水胡重之印
黃印丕烈復翁諸朱記

郝文忠公陵川文集三十九卷

明刊本

元郝經撰李之紹序前有延祐五年中書省交江西
行省開板割付及中書省咨文又神道碑墓誌銘行
狀封贈等篇此正德間沁水李叔淵從閣本鈔出付
刊者有劉龍陳鳳梧序舊爲千頃堂藏書

卷首有溫陵黃俞邵

氏藏書
印朱記

桐江集四卷

鈔本

元方回撰案 四庫著錄者有桐江續集已多殘闕
文集僅存八卷是本凡賦序說記考辨跋書疏論議

墓誌事狀祭文之類其二百一篇其見於續集者有
十六篇而序目亦異如送汪復心序續集作汪巽元
復心說進齋記續集作進齋序盧抱經氏有跋云乾
隆庚寅借振綺堂汪氏本鈔錄又云嘉慶乙丑閏六
月借維揚秦氏石研齋所藏弘治十四年范文恭手
錄本重校凡改正數百字補落者數千字案是書雖
分四卷而編次甚雜序跋爲多皆似詩話說詩主黃
陳亦推朱子力斥武功丁卯及四靈江湖大抵與瀛
奎律髓中評語相同其跋吳尚賢劉元輝詩集後併
載評語兼錄其詩連篇累幅毫無翦裁疑是虛谷原

藁流傳范氏所錄得者也

卷首有盧文弨印朱記

野趣有聲畫二卷

鈔本

題新安楊公遠叔明撰後裔表正儀邦重輯前有咸淳六年古梅吳龍翰序至元丁亥疏齋盧賡處道題詞後有至元乙酉同郡方回跋又嘉靖丙申汪元錫跋云予嘗聞冰翁云家鏤有聲畫在淳元時已散失此藁余族子得之持以示予予歸之芳溪先生付託得其所矣楊氏後人尚世世寶之

月屋漫稿四卷

舊鈔本

元黃庚撰前有泰定丁卯自序王漁洋居易錄謂月

屋漫稿一卷皆無足取實未見其全也

剡源戴先生文集三十卷

舊鈔本

元戴表元撰并序明洪武初刊本爲二十八卷世有影鈔本王述庵氏嘗見之此從萬曆間戴洵重刊本傳錄有宋濂周儀二序與洵刻板序何氏義門嘗於毛氏借得嘉靖以前舊鈔本一冊以校此集補闕文十二篇唐畫西域圖記後半幅脫落二百六十餘字案惜抱姚氏擬作剡源集提要爲三十二卷文二十二卷詩十卷又集外文一卷雜記一卷附其祖拙逸稿一卷與此本不合又作江湖集提要引剡源題孫

過庭書譜云云此文亦不見是集也

剡源文集四卷

舊鈔本

此卽何氏所得門人鈔本傳錄者分甲乙丙丁四卷
文凡六十五篇可據以校正戴本脫誤者甚多

巴西鄧先生文集一卷

舊鈔本

元鄧文原撰此弘治以前鈔本朱性父藏書後歸邑
中毛氏泰興季氏卷末有楊君謙手跋曰性父以此
集與王止仲褚園藁同見示鄧公何得比擬止仲略
讀一二知其大略因書弘治二年二月廿四日楊循
吉君謙父

卷首有汲古閣主人正本毛鳳苞
印子晉氏季印振宜滄葦諸朱記

履素齋稿一卷

鈔本

舊傳巴西集有文無詩此出知不足齋鮑氏采輯題
畫詩爲多

紫山大全集二十六卷

鈔本

元胡祇遹撰原書六十七卷其子太常博士持所編
今已散佚不存此館臣從永樂大典中錄出重加編
次凡賦詩詩餘七卷文十二卷雜著四卷語錄二卷
有延祐二年門生劉賡原序案元史本傳第詳政績
而未及詩文劉序謂潛心伊洛之學慨然以斯文爲
己任今讀其雜著經濟學術悉可攷見又嘗著易解

三卷老子解一卷其非無本之學可知矣

松雪齋文集十卷外集一卷

元刊本

元趙孟頫撰前有大德戊戌剡源戴表元序後有至元後己卯長沙何貞立後序卷十後有花溪沈璜伯玉跋云公薨二十年詩文猶未鏤板今從公子仲穆求借全集與友原誠鄭君再加校正亟鋟諸梓云云據此則是本爲松雪集最初刊本焦竑所著錄卽此也諡文封贈行狀俱附卷末

臨川吳文正公集四十九卷外集三卷學基學統一卷

明刊

本

元吳澄撰前有成化二十年臨川伍福序謂宣德中諸元孫燿輩嘗綉梓於家歲久剝蝕巡按江西監察御史曹南陳公孟安按察僉憲淳安方公大本屬爲詳校因得先生裔孫興化縣令鑑家藏錄本凡舊所刊誤舛妄悉爲是正編成五十三卷案今四庫著錄有一百卷私錄二卷提要謂其孫當所編五世孫燿重刊燿跋云大父縣尹公所編類刊行於世不幸刻板燬於兵火永樂甲申始取家藏舊刻重壽諸梓其說微有不同卷帙亦異惟所云卷首增入家譜神道碑行狀國史傳則與此本同又缺目所載題趙天

放桃源卷後舊在五十四卷是本在二十七卷題約
說後舊在五十七卷是本在二十九卷漳南王先生
祠堂記舊在三十七卷是本在二十卷末疑卽舊本
刪併卷次下有多少至天一閣書目作四十二卷當
別一本也

卷首有藍瑛葛蒲葛氏
翼魯王鳴盛印諸朱記

還山遺稿二卷附錄二卷

明刊本

元楊奐撰案文憲還山集大德中其孫南劍錄事曙
得其本於姚牧庵刻之建寧有六十卷見牧庵紫陽
先生文集序其本久佚此則明宋廷佐采掇殘牘不
及十之一然文憲所作賴是以存其略有嘉靖元年

終南山人王元凱序

魯齋遺書六卷

元刊本

元許衡撰案是書明代凡三刻而卷第名目皆不同
一爲成化甲午倪願刻本其書未見一爲正德戊寅
刊本前有何璿序分卷凡七名魯齋全書一爲嘉靖
乙酉蕭鳴鳳刊本仍更名遺書案鳴鳳題識云舊本
名魯齋全書竊謂先
生之書尚多散佚未敢謂之全故更名遺書云云詳
鳴鳳所述是祇見正德本未知元大德本原名遺書
也爲書八卷附錄二卷淡生堂著錄及四庫所收
皆蕭本也此乃大德九年刊本前有楊學文序及大
德元年贈諡詔內翰王秉贊卷一奏議卷二卷三

無總目自讀易私言至答公相問大學明明德凡五篇皆論學之文卷四雜著卷五書簡卷六詩章樂府編年歌括分卷與明刊本絕異卷一後有題識二行云右數段皆非全文偶見別紙草藁今附錄於此是則魯齋集以此本爲最初矣後有歐陽圭齋所作神道碑一篇述姚文公作祠堂記謂五百年必有名世者出惟公足以當之案今本牧庵集無之此又可證牧庵文佚去者多也卷末有嘉靖己丑八月朔日至

樂齋重裝一行

卷首有王季子至樂齋印朱記

魯齋全書七卷

明刊本

明正德中魯齋七世孫壻郝紹編集河內知縣高傑
刊行有何塘序較元刊本多性理一種附錄一卷其
篇目已改元刊之舊視嘉靖本較爲近古天一閣書
目及愛日精廬藏書志著錄皆卽此本卷首有棟亭
曹氏藏書朱
記

靜修先生文集二十二卷

舊鈔本

元劉因撰明至順間宗文堂刻本有李謙序太倉宋
蔚如從之影寫復於容城兩賢集中補錄詩文二卷

附後

卷首有宋賓王印蔚如氏校叢
東錢義根覺士氏珍藏諸朱記

靜修先生文集三十卷

明刊本

此弘治間金臺崔嵩得成化蜀藩本重雕計丁亥集

五卷然庵詞一卷遺文六卷遺詩六卷拾遺七卷續

集三卷附錄二卷有陳立及蜀藩序周旋後序崔嵩

刻板序

卷首有陸時化字潤之朱記

貞一齋雜著一卷詩藁一卷

鈔本

元朱思本撰思本字本初江西臨川人學道龍虎山中從張仁靖真人扈直兩京又從吳全節居都下後主席玉隆萬壽宮嘗以周遊天下攷覈地理竭十年之力著有輿地圖二卷刊石於上清之三華院惜今不傳集中有自序可見其概卷首有臨江范梈眉山

劉有慶臨江歐陽應丙蜀郡虞集元敎大宗師吳全
節東陽柳貫序是書世無刻本諸家書目亦鈔著錄
此從叢書堂鈔本傳錄

存悔齋詩一卷

舊鈔本

元龔璠撰汲古閣鈔本舊出至正間俞貞木錄本前
錄郡乘一則後有朱性父補錄十七首毛斧季復補
七首子晉斧季俱有跋

卷首有毛晉印毛晉秘匿
毛姓祕翫寶晉諸朱記

許白雲先生文集四卷

明刊本

元許謙撰金臺許仲編集正統間刻本有李仲序張
瑄跋後附錄學箴一篇舊爲先生手書有黃淮胡廣

錢溥張洪題跋

默庵先生文集五卷

舊鈔本

元安熙撰前有泰定三年虞集序泰定四年男槃記語謂門人蘇君伯修輯錄類爲內集五卷外集五卷此本或出後人重編抑僅存內集邪

雲峯胡先生文集十卷

明刊本

元胡炳文撰舊有集二十卷元刊本世已不傳明成化中七世孫用光搜訪重刻僅存其半此正德丁卯歲婺源縣令慈溪羅縉重刻本有林瀚陳音儲鑑汪舜民汪循序何欽裔孫濬後序

卷首有樸學齋朱記

秋澗先生大全文集一百卷

元刊本

元王惲撰其子公孺編延祐七年朝廷以其書關係政教嘗經乙覽移江浙行省給帑刊行有王構羅應龍序公孺王秉彝跋

楚國文憲公雪樓程先生文集三十卷

明刊本

元程鉅夫撰案文憲爲揭文安之師集本四十五卷子大本編輯文安校正其孫伯崇復屬文安子汝重定爲三十卷至正癸卯刻於建陽市僅成前十卷旋遇兵燹板燬洪武二十八年曾孫潛合印本寫本併刻於朱氏之肆卷首有附錄一卷有歐陽玄李好文

彭從吉熊釗序曾孫潛跋

卷首有石川張氏崇古樓珍藏印嚴蔚私印豹人諸

朱記

漢泉曹文貞公詩集十卷

元刊本

元曹伯啟撰題文林郎江南諸道行御史臺管勾男

復亨類集國子生浚儀胡益編錄寫刻甚精書法似

趙文敏殆卽益所書也有張起巖呂思誠序吳全節

跋集後附錄碑文像贊祭文哀辭挽詩爲一卷

卷首有王

寵履吉東海氏岷

嶠草堂記二朱記

清容居士集五十卷

舊鈔本

元袁桷撰詩十四卷文三十六卷後附諡議墓志卷

數與元史本傳合卷中有跳行空格以明所尊蓋猶

鈔自元刻也舊為金壽門藏本卷首有金印
吉金朱記

周此山詩集四卷舊鈔本

元周權撰有袁桷歐陽玄序謝端揭傒斯柳貫跋五

硯樓袁氏藏本黃堯圃以秀野草堂舊鈔本訂正譌

闕並補鈔陳旅序於首遂為此集善本卷首有五硯
樓廷檣之印

袁氏又愷

諸朱記

申齋劉先生文集十卷鈔本

元劉岳申撰李祁序門人蕭洵校正并跋吉水知州

番陽費震刻之傳本絕稀故顧俠君元詩選遺之此

從元刊本傳錄舊爲愛日精廬藏本

貢文靖公雲林詩集六卷

明刊本

元貢奎撰六卷皆詩後附錄天游亭記嵇法師碑遊
長春宮詩序三篇此弘治庚戌刊本前有陳壇序范

吉刊板序舊爲千頃堂藏本

卷首有黃虞稷印晉江黃氏藏書二朱記

梅花字字香二卷

舊鈔本

元郭豫亨述并序皆集宋人詠梅句爲梅花詩百首
亦集句之創體分前後集爲二卷

馬石田文集十五卷

元刊本

元馬祖常撰王守誠陳旅蘇天爵序前有至元五年

淮東道肅政廉訪司事下揚州路總管府刊板牒後
有虞集桐鄉阡碑許有壬神道碑自作石田山房記
爲附錄一卷太倉陸氏藏書

卷首有陸潤之鑒藏朱記

水鏡集一卷

舊鈔本

元元淮撰正統甲子謝卓序是書又名金困集以嘗
官溧陽總管故取義於投金瀨與仇山村名集意同
後有萬曆甲戌裔孫應會跋

新編翰林珠玉六卷

舊鈔校本

首行題儒學學正孫存善如山家塾刊次行題邵庵
虞集伯生父全集案楊氏椿序道園遺藁有云道園

學古錄板行後湖海好事者復輯公詩另爲一編與
學古錄所載時有得失卽謂此本也所錄在朝藁視
學古錄爲多四言古詩中增畫魚一首五言古詩中
增趙千里出峽圖哀陳童子題許愿夫抗雲樓三首
七言古詩中增董元夏景山口待渡圖金人出塞圖
二首五言律詩中增題秋山圖名酒二首七言律詩
中增自仁壽回成都送李通甫赴湖廣行省知事張
志甫八十送韓伯高僉憲江西王氏孝義詩寄福建
僉憲馬叔惠用鎬無作韻七首七言絕句中增青山
白雲圖畫竹僧豆然畫三首至所錄歸田藁不逮學

古錄之全而亦有不見學古錄者七言律中題大都香山寺圖爲馬竹所照磨題香山圖用蕭性淵詩一句足成一章送常伯昂端午節飲客與趙伯高題時錄判齊山吟卷題胡道玄活死人窩六首七言絕句中留題龍門第五第六首寄韓克莊僉憲題戈叔義墨竹答韓克莊僉事惠白瓊寄謝臨川錄事王君正則六首字句亦有與學古錄異者間有自註爲學古錄所遺皆可備參攷又道園遺藁亦有失載者如趙千里出峽圖董元夏景山口待渡圖二首汲古毛氏刻虞詩八卷但依學古錄亦未見此本也此從石門

呂氏藏本傳錄前有雍正癸卯西泠吳焯跋復以元刻本校過遂爲此書善本矣

道園學古錄五十卷

明刊本

題雍虞集伯生是書爲文靖季子翁歸與公門人編定嘗刻於建寧後來刻本俱從之翻雕景泰本有鄭達序目錄後有重增目錄此嘉靖重刊本已將增目散入各卷中矣

道園遺藁六卷

鈔本

是書集從孫堪輯凡詩七百餘首皆翰林珠玉道園學古錄所未收者吳江金伯祥刻之有楊椿黃潛序

及堪跋

翰林楊仲宏詩八卷

舊鈔本

元楊載撰前有致和元年范梈序後有嘉靖丙申翁原匯刊書序卷末王聞遠跋云此集假襲東宋蔚如善本影寫者比時已校一過茲復得佳本再勘用硃筆改卅二字中有不抹去而兩存者蓋慎之也時乙

巳伏日蓮涇力疾識

卷首尾有王蓮涇鈔書記吳郡張紹仁學安藏書切庵珍藏諸

朱記

范德機詩集七卷

元刊本

題范梈撰臨川葛離仲穆編次儒學學正孫存吾如

山校刊目錄後有墨圖記云至元庚辰良月益友書

堂新刊此即錢氏遵王所見之本也卷首有秀野草堂藏書印許濂

之印許子楞諸朱記

揭曼碩詩集三卷舊鈔本

元揭傒斯撰案述古堂藏本從至元庚辰刻本傳錄

此本前題門人前進士變溥化校錄卷末釋道源題

識定為元鈔則視遵王所藏為勝矣舊藏沈石田家

後歸邑中魚氏卷中有啟南石田魚印元傳虞巖諸朱記

揭文安集十卷舊鈔校本

此出楊文貞家藏本崑山葉氏傳錄文莊增錄文四

首廣州沈氏所刻題曰揭文粹卽此本也後有王聞遠跋見愛日精廬藏書志

卷中有葉氏菴竹堂藏書印臣盛與中王印聞遠蓮

涇諸

朱記

揭文安公集六卷

舊鈔本

此詩文合集也 四庫著錄十四卷是本分卷祇六

而首尾完具卷一詩卷二書序卷三記卷四碑卷五

雜著卷六誌後附元史列傳其文與文粹篇目次第

皆合惟文粹不分卷耳

卷首有許印元溥朱記

揭文安公文粹

明刊本

此明天順五年沈琮刻本據琮跋語知此本與葉鈔

本同出楊文貞公故大致符合惟不分卷爲異又文
莊補錄佚文四首一勅賜太師開府儀同三司上柱
國魯國忠武王神道碑一山臞墓誌銘一存存齋銘
一法書考後序此本皆無之由未見葉氏補輯本故
也舊爲王祿之藏本

卷中有穀祥鐵蘭
居寶研堂諸朱記

淵穎吳先生集十二卷

元刊本

元吳萊撰題門人金華宋濂編原有胡翰劉基胡助
序已失目後有男士謬跋末有金華後學宋璩謄寫
一行卷後附錄宋文憲撰碑文證議一卷刻於至正
二十六年後嘉靖元年有當塗祝鸞重刻本此則第

一刻本也案璣字仲溫文憲次子官中書舍人工篆
隸真草四體書年三十七而歿此書爲其手寫古雅
可愛尤足珍也舊爲張古餘藏書卷首有陽城張氏
省訓堂經籍記朱

記

金華黃先生文集二十三卷

元刊
殘本

元黃潛撰題臨川危素編次番陽劉耳校正張氏藏
書志據貢玩齋集謂原書四十三卷潛研錢氏跋據
宋文憲撰行狀謂初藁三卷續藁三十卷今存卷一
至十三卷二十二至三十一較元刻二十三卷本篇
帙較多卽錢氏所見士禮居藏本也前有至正十五

年貢師泰序其時文獻尚在貢氏得其本於王忠文
刻之三山學官者迄今流傳絕少不獲鈔補全帙爲
歉事耳後有錢氏手書跋見潛研堂集及愛日精廬
藏書志

黃文獻公集二十三卷

元刊本

此本前有宋濂序後有正統戊午杜桓補刊序編次
卷第與金華黃先生文集本不同據貢氏序金華集
刻時文獻猶在是本則公歿後五年金華縣令胡惟
信以公家藏本所刻卷一至三曰初藁卷四至十曰
續藁上俱題臨川危素編卷十一至十六曰續藁中

題門人王禕編卷十七至二十三曰續藁下題門人
宋濂傅藻同編與貢氏序謂初藁危素編續藁王生
宋生編之說合若金華集概列危素名疑當時校刊
失檢錢氏跋謂太樸負重名王宋不敢與抗行似亦
臆度之說也

圭齋文集十六卷

明刊本

元歐陽玄撰題宗孫銘鏞編集安成後學劉鈺校正
前存宋濂序其第十六卷附錄張起巖撰神道碑危
素撰行狀又有傳贊啟跋題詩等已闕

柳待制文集二十卷

明刊本

元柳貫撰門人宋濂戴良編次至正庚寅嘗刻於浦江學官此則天順間崑山張和爲浙江按察副使得其本於王文忠孫汝因屬義烏教諭歐陽溥重刻之有蘇天爵危素余闕序鄭環刊板序後有宋濂張和跋

存復齋集十卷

明刊本

題征東儒學提舉睢水朱德潤澤民著曾孫夏重編後有附錄一卷前有俞焯序又虞文靖題語云澤民文章典雅而理致甚明獨惜以畫事掩其名然識者不厭其多能也自茲以往澤民當豐於文而嗇於畫

可也又有黃文獻序可補本集之佚

順齋先生閒居叢稿二十六卷

鈔本

元蒲道源撰另蒲機類編門人薛懿校後附弟道銓

作行狀子機作墓誌二篇有黃潛序

卷首有晉江黃氏父子藏書朱

記

至正集八十一卷

鈔本

元許有壬撰全集百卷遭變遺失此本出自楊文貞

家藏千頃堂書目卷數同

吳禮部文集二十卷

舊鈔本

元吳師道撰卷末附錄墓表碑銘是集傳本甚夥自

王漁洋鈔自崑山徐果亭家始流傳於世是本尚出

明人手錄

卷末有良惠書院之章朱記

積齋集五卷

鈔本

元程端學撰原書見文淵閣書目棗竹堂書目俱注
二冊今不傳此出館臣從永樂大典錄得凡賦詩一
卷文四卷積齋著有春秋本義或問三傳辨疑三書
其學深於春秋故文章宏深簡肅又集中有與單良
能論學一書標示正宗屏除妄說蓋嘗與兄畏齋同
述程朱之學故其言深切明著如此

秋聲集六卷

舊鈔本

元黃鎮成撰詩每體爲一卷雜著一卷前有自序後有至正十七年新安鄭潛後序洪武十一年其子鈞刻板跋末附危太樸墓碑碑云所著有尚書通考十卷周易通義十卷中庸章指二卷性理發蒙四卷皆稽經訂傳不悖儒先本旨今惟尚書通考存

雁門集八卷

元刊本

題代郡薩都刺天錫前有至正丁丑干文傳序是本流傳絕少汲古毛氏所刻得一別本分三卷實未全後獲見此本故別刊集外詩一卷

卷首有毛晉私印子晉二朱記

陳衆仲文集十三卷

元刊本

元陳旅撰前有至正九年河東張翥序又至正辛卯
晉安林泉生序此書焦竑經籍志及四庫著錄並
十三卷此本舊存元槧七卷八卷以下依明刊本鈔
補遂成完書故傳是樓書目有元板陳衆仲集十三
卷此未經闕佚者也元本詩三卷係編年明刻易爲
分體且原注多漏去已盡失初刻之真矣嘉慶辛酉
潛研老人以此殘元本贈蕘翁中多漫漶蕘翁因假
吳兔牀所藏四卷本校正後歸邑中張氏李申耆太
史曾錄其副并爲之跋見養一齋集

卷中有西涯錢大昕觀蕘翁申

耆諸
朱記

傅與礪詩集八卷

舊鈔本

元傅若金撰題任邱宋應祥伯禎點校弟傅若川次
舟編刊前有天曆二年范梈序元統三年揭傒斯序
至正辛巳虞集序洪武壬戌胡行簡序後有洪武癸
亥傅若川跋謂所有文集陸續刊行胡序後有洪武
壬戌仲冬渝川百丈山前建溪精舍新刊一行舊爲
海寧查氏藏本有初白手跋云元傅若金字與礪江
西新喻人受業范德機之門年三十餘遊燕京虞伯
生見其詩大加稱賞由是知名元統三年介使安南
還授廣州教授余修江西志於臨江人物爲立傳此

八卷借鈔於吳尺鳧氏尚有文集若干卷當從花山
馬氏合成全璧初白翁識時年七十有一案薨圃黃
氏得此本後嘗以刻本校過其中注明編次前後不
同并詩中有小序及跋爲刻本所無者豈薨圃所見
別一刻本而非洪武本耶

卷首有查印慎
行悔餘二朱記

番陽仲公李先生文集三十卷

明刊本

元李存撰前列危太樸墓誌後附虞文靖答書永樂
間其曾孫光以進士知邵武縣刊板於學有涂幾鄒
濟徐旭王和序舊爲辛夷館藏書

卷首有季振宜藏
書季印振宜滄葦

諸朱
記

滋溪文藁三十卷

舊鈔本

元蘇天爵撰前有趙方序目錄後有馬祖常陳旅題詞祝蕃商企翁像贊案序謂公官江浙行中書省參知政事時屬掾永嘉高明臨川葛元哲所編刊本久絕輾轉鈔錄謬滋多是本毛氏獄生以閣本參校有異同處一一注明允爲善本

青陽先生文集九卷

明刊本

元余闕撰八卷門人淮西郭奎子章輯第九卷爲雜揚張毅仲剛續輯洪武初有張彥剛刻本此則正統間沅陵縣丞高誠重刻本也有王汝玉程國儒李祁

序高穀刊板序又序後附新安程文青陽山房記一

首

卷首有黃氏如
珽之印朱記

周翰林近光集三卷扈從詩一卷

舊鈔本

題鄱陽周伯琦伯溫甫前三卷爲後至元八年及至

正元年至五年所作扈從詩則至正十二年扈蹕上

京紀行作也有虞集序伯琦自序賈祥麟跋

蛻庵詩四卷

明刊本

元張翥撰釋大杼北山編集有釋來復宗泐二序是

書分卷與王新城所見本合元史本傳謂其遺稿不

傳其時刻本猶未出也

卷末有顧印廣
圻千里二朱記

五峯集六卷

舊鈔本

元李孝光撰原集已佚弘治間樂清令錢杲得其本於周綸家序而刻之是本卽從之傳錄

金臺集二卷

舊鈔本

題南陽迺賢易之學臨川危素太樸編爲金侃亦陶手鈔本有歐陽玄李好文貢師泰揭傒斯楊彝危素程文諸序虞集張起巖題詞與毛刻本同惟卷二末增多補遺爲毛本所無如次韻元復初春思三首送邵元道四首賣鹽婦仙居縣杜氏二真廟詩錢塘留別康里丞相之會稽代祝使歸張員外光弼先生春

楊公之命函香浦陀洛伽山瑞相示現使節今還輒
成長律四章少寓餞忱取校毛本共增多五古七首
七古二首七律六首不知從何處得之卷末有亦陶
手跋云易之爲葛邏祿人其國去中華數千萬里西
夷之最遠者而其詩工麗秀逸極得唐人之風致而
又確然自成其爲元人亦豪傑之士也乙丑長至日
錄於珠涇館齋金侃

卷首有金侃私印亦陶一朱記

葯房樵唱三卷

舊鈔本

元吳景奎撰後附錄其子履撰行述黃潛墓志張順
祖傅葉儀等哀辭爲一卷元刻不傳正德四年其六

世族孫禧得其本於靈湖郭汝涑家重刻之有宋濂

序吳禧跋

栲栳山人詩集三卷

鈔本

元岑安卿撰栲栳峯在浙江餘姚縣以所居近其地故以自名此爲味書室鈔本

貢禮部玩齋集十卷拾遺二卷

舊鈔本

元貢師泰撰原集有友迂玩齋東軒等名至正間門人謝肅編成未刻天順初會稽沈性爲宣州守合家藏友迂集與諸孫武欽所藏玩齋稿又博訪一切碑板文彙刻之然迺賢金臺集序不載書中又黃文獻

有玩齋集原序亦不載可知殘佚已多矣此太倉朱蔚如鈔本前列貢玩齋集存疑日後補錄程文玩齋記一首題識云乾隆六年春三月四日又較莘客持來活字本有楊維禎趙費錢用王謝肅王禕余闕程

文序沈性刻板序

前有朱蔚如收藏朱記

羽庭集六卷

鈔本

元劉仁本撰原集已佚此

文瀾閣本從永樂大典

采出凡詩四卷文二卷

句曲外史貞居先生詩集五卷

元刊本

題吳郡海昌張雨伯雨撰江浙鄉貢進士姪誼編類

吳郡徐達左校正前有達左分隸序汲古毛氏未見
此本故所刻不同徐序亦多脫落舛謬署名并脫左
字尤爲乖謬

貞居先生詩集四卷詞一卷

舊鈔本

題句曲外史張雨伯雨撰前有姚綬小傳及徐達左
序此明柳大中鈔本上方著墨筆校語卷首題記云
貞居先生集有板行者比斯鈔本十之二耳近得此
本於南濠都太僕家借歸錄之補以小傳安愚柳僉
識

句曲外史貞居先生詩集六卷詞一卷雜文一卷

舊鈔校本

此何元朗鈔本標題與元刻本同卷末附錄劉基墓誌姚綬小傳碑銘徐達左後序黃蕘翁以柳大中本對校其詩分體較柳本稍多詞編次第多同惟首闕東風第一枝爲柳本所無雜文九首則又此本增出者也汲古毛氏刻本乃從嘉靖間陳應符刻本重刊後復摭拾遺篇不逮此兩本遠甚

卷首有東海何元朗平江黃氏圖書

諸朱記

僑吳集十二卷

舊鈔本

元鄭元祐撰案明德所著有遂昌山人集僑吳集二種弘治間張習併錄之仍名僑吳集故居杭時所作

亦在內也後附錄蘇大年墓誌盧熊府志一則此從

張刻本傳錄有謝徽序張習跋

師山先生文集八卷遺文五卷明刊本

元鄭玉撰後有附錄一卷八卷本爲師山自編初名

餘力稿有玉自序及程文序楊士奇跋遺文附錄乃

後人所編有洪武三年王禕序

友石山人遺稿一卷附錄一卷舊鈔本

題靈武王翰用文後附吳海所作墓誌銘傳哀辭贈

序眞贊譜序及母孫氏墓誌又徐勣謝肇淛陳鳴鶴

陳薦夫詩 四庫提要云後附誌銘表詞等七篇皆

吳海作則徐勣諸人詩闕也前有廬陵陳仲述序後有其子偁跋案偁字孟揚以文名當世有虛舟集五

卷

卷首有黃川吳氏
收藏圖書朱記

聞過齋集四卷

舊鈔本

元吳海撰徐起序門人王偁編并跋是書每卷分上

下原本不題作者名序末有吳公名海號魯客七字

上方馬琰題云此黃藜洲先生筆也舊爲山陰祁氏

藏書板心題淡生堂鈔本

卷首有山陰祁氏藏書
之章璠翁手識二朱記

北郭詩集六卷補遺一卷

鈔本

題元澄江許恕存心前有洪武二年張端序案 四

庫提要稱補遺卷內附錄其子節孫輅詩又許穆許
雲詩此本俱無之當在族孫裔續編之前也是書世
無傳刻本此出郡人吳伊仲手錄

卷首有吳翌鳳校
菴氏珍藏朱記

玉笥集十卷

舊鈔本

題元會稽張憲思廉著舊有楊維禎周砥戴良及成
化初劉鈺四序又孫大雅玉笥生傳楊其玉笥生傳
書後二篇此本惟存劉序餘並闕

玉笥集一冊

明刊本

此明弘治間山陰令慈溪王伯仁刻本嘉定潘密序
其詩不分卷專錄詠史樂府間有楊鐵崖評語與成

化十卷本篇第字句微有不同又列朝詩集采玉簪詩五十餘首取校此本絕異或蒙叟未見刊本也

鶴年先生詩集四卷

影鈔元本

元丁鶴年撰卷一曰海巢集題門人四明戴稷編次卷二曰哀思集題門人戴習編次俱爲海濱避兵時作卷三曰方外集編次人關卷四曰續集兵後還武昌作題門人修江向誠編次後附鶴年兄吉雅謨丁爰理沙及表兄吳惟善詩共十三首此從元和顧氏所得元刊本傳錄有戴良至仁二序若正統本則分三卷統名海巢集而海巢一詩原列卷一者轉列卷

二俱失其舊矣元刊本卷一采蓮曲第三首已下缺
文黃蘗翁依沈寶硯寫本補足沈本錄自元槧也

華陽貞素齋文集八卷

舊鈔本

元舒頤撰末卷附錄其弟遠遜二人詩文遠字仲修
曰北莊遺稿遜字士謙曰可庵搜枯集嘉靖中其裔
孫旭等哀輯續溪令趙春刻之首有自序及裔孫朝
陽序又有同里戴嘉猷章瑞胡文彬汪用章諸序後
有裔孫旭與孔昭跋及方桂董黃槐跋

一山文集九卷

舊鈔本

元李繼本撰無序跋凡詩二卷文七卷序類中多有

目無文是殘佚之本也

龜巢稿十七卷

舊鈔本

元謝應芳撰無序跋卷一至五爲詩卷六至十五爲文十六十七兩卷復爲詩大約詩分前後集後人合編之而繫其後集於文後耳龜巢摘稿世有傳本其全稿絕希此爲王蓮涇藏本卷末有朱筆題識云歲丙午冬至前三日第二次校畢於率真書屋之南窗中有譌字未取臆改仍存之蓮涇識嘗見郡中汪氏藏有宋寶王鈔本卽從此本出者卷五後有雍正戊申東滄宋寶王借校一行可證也

卷中有宋寶王印
蔚如氏二朱記

龜巢摘蔡三卷

舊鈔本

元謝應芳撰前有洪武十二年豐城余詮范陽盧能
二序龜巢詩今有全集流傳篇帙甚夥此則洪武十
年門人王著欲刻其詩龜巢自摘稿中什一與之詩
凡分體四言五言古五言律一卷七言古一卷七言
律六言五七絕一卷

卷首有子晉雙清閣二朱記

梧溪集七卷

元刊本

題江陰王遜原吉此集刊於至正己亥有周伯琦序
景泰七年重修程敏政有序是本存卷五至卷七其
卷一至卷四毛氏鈔補卷末有朱筆題記云虞山觀

庵陸貽典校補於汲古閣下丁巳九月下浣

卷首有毛晉士

禮居藏

二朱記

樵雲獨唱集六卷

元刊本

題金華雲顒天民景南葉颺撰有至正甲午自序及至正庚子後序景南詩高曠語固多而身世之感時復流露楮墨間如庚子端午次潘明舉韻云今日亂離非昔比澹煙衰艾不勝愁乙巳正月十二日感懷云自憐衰朽心猶壯夢裏麾兵入蔡城之類他若諷左右司黃郎中蘇知縣兩篇皆傷元代重賦尤與詩史爲近也

九靈山房集三十卷

明刊本

元戴良撰男戴禮叔儀類編從孫侗伯初同編前有
至正二十五年秘書少監揭沕序洪武十二年金華
宋濂題辭烏傷王祿四明桂彥良序皆手書鈐木者
後有正統十年從曾孫統跋是本卽其所刻未幾板
燼於火流傳絕少乾隆中十四世從孫殿海等擬重
刻之先得鮑氏汪氏鈔本依以開雕續得嘉興曹氏
所藏刻本校勘之始臻無憾然獲見已遲故未遵其
行款也案宋文憲所題詳其文義是書揭序後者舊
本首行明寫題九靈山房集新刻概編入原序中似

非是祭方壽父文壽乃韶之謠仙華方公無壽父之字也新本頗有訂正處而此字猶沿其謠舊爲藝芸

書舍藏本

卷首有汪士鍾藏朱記

清閔閣遺稿八卷

明刊本

題雲林倪瓚元鎮父著案雲林集先有天順間楚朝陽刻本此則萬曆中八世孫珪重編以刻原序已失二本行世甚少汲古毛氏所刻次序迥異亦有謠字如題本出郭謠作入郭題墨贈李文遠通首是咏墨謠作題墨竹又是本五言古中有雙寺精舍新秋追和戎昱長安秋夕題隴山圖題墨竹送顧克善之高

郵題畫贈徐季明龍門茶屋圖黃本中書齋爲寫寄
做窗圖凡六首五言律中有春日客懷野眺寄友贈
謝長源雨霽呈德常秋日贈張茂實期友人不至題
風竹圖贈于靜遠寓法藏禪寺凡八首五言絕句中
有畫竹爲景周寫一首皆毛本所無是當時未見此
本也

倪雲林先生詩集六卷附錄一卷

明刊本

題荆溪蹇曦朝陽編集八世孫理重刻前有天順四
年雲間錢溥序後有蹇曦序卞榮題詩萬曆辛卯王
穉登序案雲林集有江陰荆溪二本此卽荆溪本而

重刻者與汲古毛氏所刻元人十集本同以校清閣
閣遺稿則詩之次第既異而各體中詩亦較多凡見
於縣志詩話者俱爲采錄殆出自江陰本耶惜僅存
七卷闕七言絕句與樂府雜文序跋亦失

玉山璞稿二卷

舊鈔本

元顧瑛撰詩皆至正甲午乙未兩年所作卷分上下
汲古毛氏所刻玉山草堂集皆撫拾玉山名勝集中
仲瑛詩刻之故與此本不同

鐵崖先生古樂府十六卷

明刊校本

元楊維禎撰前十卷至治丙戌門人富春吳復編十

一卷以下名鐵崖先生復古詩集至治丙辰門人
問章琬編附黃文獻潛評語正統間崑山衛靖得其
本於楊文貞家成化己丑吾邑劉倣刻之汲古毛氏
所刻卽出此本惟削其評注耳有張天雨吳復願瑛
序章琬衛靖劉倣跋卷中朱筆校語似是皇象山人
筆也

卷首尾有姚舜谷圖書竹汀所
賞平津館淵如珍藏印諸朱記

鐵崖漫稿五卷

舊鈔本

卷首書名上有周伯器藏本五字末有無名氏跋見
張氏藏書志覈其文與馮氏所刻文集本互有出入

鐵崖文集五卷

明刊本

題會稽楊維禎著毘陵朱昱校正文凡一百三十七
首前有鐵崖先生傳一篇明弘治十四年御史馮允
中以儲靜夫藏本合朱昱先世藏彙校刻之允中與
昱皆有序卷末有姑蘇楊鳳書於揚州之正誼書院
一行張氏藏書志譌爲元刊本以未見馮朱二序故
也

鐵崖先生賦一卷

舊鈔本

此本舊爲洪武三十一年吾邑朱璣子新所錄出自
樓文淵家藏舊彙其賦與毛氏所刻麗則遺音不同

新刊麗則遺音古賦程式四卷

元刊本

題丁卯進士紹興楊維禎廉夫著丁卯同年邵武黃
清老子肅評前有至正二年維禎自序目錄前有題
記五行云麗則之名其殆傷今之賦之不古乎觀其
三良以下追逐屈宋殆如鐵崖之斬絕峭刻人固未
易於攀緣也然而協律口鏘立格古雅而陳意正大
誠□□□者場屋之士果能彷彿其□□□知□□
□□□□□□至正癸未正月三日案元時考試首
以賦刻此爲科舉式也後有至正元年錢塘陳存禮
跋謂先生酒酣嘗自歌三良八陣延陵望諸露杵鐵
箭等作蓋其最得意筆也又謂其訓諸生每日作賦

不難填布事實而難於密達氣韻讀其賦者當於此語求之原闕卷一卷二黃蕘翁假周香嚴所藏元本

鈔補

卷中有黃淳耀蘊生陶復庵諸朱記

夷白齋藁三十五卷外集一卷

舊鈔本

元陳基撰戴良編并序是書久無刻本明代朱性父

曾得鈔本於王東郭家臨寫一部此本出延令舊藏

完好無闕未識視朱本何如也

卷首有季印振宜滄葦二朱記

張光弼詩集二卷

舊鈔本

元張昱撰前有洪武九年錢塘陳彥博序又正統元年同郡楊士奇序後有天啟二年清常道人手跋云

元張光弼詩二卷爲不解事書人強爲解事作七卷
分之遂失其本來面目一卷之五卷元合作第一卷
六卷之七卷元合作第二卷也其書借海鹽胡孝轅
氏藏本所錄中多過爛損壞字尚須假孫唐卿本補
之云云黃復翁於嘉慶甲戌購得明刻覆勘一過與
趙鈔略同間有一二字爲鈔時所遺者案今四庫
著錄作可閒老人集四卷是別一本也

卷中有新安汪氏啟淑信

印堯剛題
眼諸朱記

鄧伯言玉筍集九卷

舊鈔本

元鄧雅撰自卷一至八皆分體卷九爲朝京紀行前

有洪武間何淑梁寅丁節戴正四序同里黎季敏刊
行於世

得月藁八卷

舊鈔本

題石鼓壘者呂不用則耕學賜進士第奉直大夫孫
男鳳編曾孫舉人誦督刊有洪武九年廬陵曾衍括
蒼王霖二序孫好通曾孫龍二跋

卷首有長洲張氏
執經堂藏張印紹

仁學安
諸朱記

竹齋詩集三卷

舊鈔本

元王冕撰曾孫璿駱大年輯前有劉基序韓性竹齋
記張辰朱濂王先生傳後附山陰呂升所作冕子山

樵周行狀及魏驥白圭駱居安諸跋卷末有名集義
者題記云余得此書於表弟葉林林父名潮字半帆
工花鳥余家有其畫迺以之相易舊鈔間有譌字暇
日當校正之

卷首有璜川吳氏
收藏圖書朱記

鐵琴銅劍樓藏書目錄卷二十一終

鐵琴銅劍樓藏書目錄卷第二十三

常熟瞿 鋪子雍

集部五

總集類

文選二十九卷附李善與五臣同異一卷

宋刊殘本

題梁昭明太子撰又題文林郎守太子右內率府錄事參軍崇賢館直學士臣李善注上原書六十卷今存卷一至六卷二十三二十四卷三十一至三十九卷四十九至六十卷每半葉十行行十八至二十一字不等注字十九字至二十二字不等書中匡朗最

殷讓煦貞徵驚樹恆桓構遴俱有關筆行款字體與
淳熙辛丑尤文簡刻本無異惟尤刻板心中分注大
字若干數小字若干數此本作總數若干字其卷五
十五演連珠注日月發揮以上及下愚由性以上尤
本有善曰二字案下文既有善曰則此處爲劉孝標
注甚明實不當有善曰是本皆無之而空二字又卷
五十九頭陀寺碑文注劉虬曰菩薩員淨以上此本
有法華經曰慧日大聖尊久乃說是法十四字尤本
無之是此本刻在尤本之後重加校正矣後附影鈔
宋本一帙題曰李善與五臣同異附見於後以大字

標李本小字注云五臣作某字今鄱陽胡氏重刻淳熙本所無後有分隸跋云池陽郡齋旣刊文選與雙字二書於以敬事昭明之意今又得昭明文集五卷而併刊焉嗚呼所以事於神者至矣夫神與人相依而行也吏旣惟神之恭神必惟吏之相則神血食吏祿食斯兩無愧淳熙八年歲在辛丑八月望日郡刺史建袁說友書亦胡刻所無又說友復有一跋胡刻據陸貽典校本附錄考異後惟補字下闕損學者是所謂成民而致力於神者與淳熙辛丑三月望日建袁說友題二十七字

文選六十卷

宋刊本

藏書目錄卷二十三

首題梁昭明太子撰次行唐李善注次二行唐五臣
呂延濟劉良張銑呂向李周翰注前有李善上注表
呂延祚進五臣集注表及昭明太子序世所謂六臣
注本全書李注列前五臣注列後卽茶陵陳氏本所
自出每半葉九行行十五十四字不等分注每行二
十字板心有刊工姓名宋諱殷敬竟鏡恒徵讓桓字
減筆卷末列校對校勘覆對諸人姓名卷各不同校
對者有州學司書蕭鵬州學齋長吳拯州學齋論李
孝開蕭人傑校勘者有鄉貢進士李大成劉格非劉

才邵楊楫左迪功郎新昭州平樂縣尉兼主簿嚴興
又州學直學陳烈州學學諭管獻民州學齋諭吳撫
覆校者有左從政郎充贛州學州學教授張之綱左
從事郎贛州觀察推官鄒敦禮左迪功郎贛州司戶
參軍李盛左迪功郎新永州零陵縣主簿李汝明左
迪功郎贛州石城縣尉主管學事權左司理蕭倬等
人也舊傳趙松雪王弇州所藏宋槧本今入 內府
外間不可得見是本同出一板而摹印稍後字畫未
能清朗然大小字俱有顏平原筆法楮墨古香固自
可珍潛研錢氏所見僅六卷卽此本也若竹垞朱氏

所見王氏賜書堂藏本乃崇寧五年鏤板至政和元年畢工者五臣注在前李注在後又吳郡袁氏本所自出也

六臣文選六十卷

明刊本

首題梁昭明太子撰次行唐五臣注次二行崇賢館直學士李善注前有表序明嘉靖間吳中袁氏褒仿崇寧刻本重雕序尾有識云此集精加校正絕無舛誤見在廣都北門裴宅印賣云云竹垞朱氏謂宋時蜀牋如是惟宋刻有鏤板畢工年月翻本無之書估恆以楮印精好者僞充宋本眩人藉以別真僞云

文選六十卷

明刊本

題梁昭明太子選唐文林郎守太子右內率府錄事
參軍事崇賢館直學士臣李善注上元奉政大夫同
知池州路總管府事張伯顏助率重刊此明成化間
唐藩重刊張氏本伯顏長洲相城人原名世昌字正
卿成宗賜名伯顏由將作院判官累任慶元路同知
延祐七年陞奉政大夫池州路同知後遷漳州路告
老以平江路總管致仕見鄭元祐僑吳集文選善注
淳熙辛丑尤延之刻本外卽推張本爲善汲古閣本
多脫誤如左太沖吳都賦趨材悍壯注引胡非子胡

誤改韓不知胡非子爲墨子弟子此本不訛又張平
子思立賦脫爛漫靡靡藐以迭遘二句并注陸士衡
答賈長淵詩脫魯侯戾止袞服委蛇二句并注曹子
建筮篴引脫百年忽我遺生在華屋處二句鮑明遠
放歌行脫今君有何疾臨路獨遲迴二句曹子建求
通親親表脫有不蒙施之物一句枚叔七發脫自太
子有悅色至然而有起色矣二段并注有數百字之
多此本皆不闕雖翻本亦足珍也有昭明太子序李
善上文選注表余璉序又唐藩希古序唐世子跋

玉臺新詠十卷

明刊本

題陳尚書左僕射太子少傅東海徐陵字孝穆撰并序此明時翻宋本故宋諱字有減筆 四庫全書總目謂趙宦光家所傳宋刻有嘉定乙亥陳玉父重刻跋卽此本所自出也吳郡葉裕又從馮定遠藏宋本

校過

卷首有東吳葉裕祖仁藏書朱記

中興問氣集二卷

校本

唐高仲武集并序義門何氏以蔣文肅所藏舊鈔宋本參校核汲古毛氏刊本李希仲薊門行一首誤分二首李嘉祐衍和苗員外秋夜省直一首章八元闕小序又少寄都官李郎中一首朱灣少對蘇使君席

詠筆柱子一首何氏手跋曰康熙戊戌十月望以事
往南海淀借宿蔣西谷寓舍架上有抄本唐中興間
氣集一冊視其行數字數似從宋雕影寫問之乃述
古堂故物也因借歸呵凍是正遂成善本餘見他日
其愛惜之或更倩善書者重錄尤不負老子一再勘
校以貽爾曹之意也

卷首有何焯
之印朱記

唐詩極玄集二卷

明鈔本

唐姚合選有至元五年蔣易跋每葉板心有又玄齋
三字卷末有題記四行云此係吾鄉秦西巖手錄庚
寅上元日遵王見贈弗乘庚申九月九日得於虞城

肆中超然

卷中有五嶺山人又
玄齋校閱過二朱記

松陵集十卷

明刊本

唐陸龜蒙編集名則皮日休所題也二人唱和之作
爲多其古體稱往體僅見斯集前有日休序宋時有
刊本此本爲明吳江令濟寧劉濟民所刻後有弘治
壬戌都穆跋世所行者惟汲古毛氏本是本流傳亦
稀

寶氏聯珠集一册

宋刊本

唐褚藏言輯合寶氏五子常牟羣庠鞏爲集不分卷
無目錄析每人詩爲一種詩首有傳卽藏言所纂後

有潛夫題語及詩又和峴跋嶰題記王崧跋潛夫張
昭字峴嶰和凝子也刻於淳熙五年詩作楷體跋作
行草筆蹟相似極見古雅疑卽王崧所寫以刻者每
半葉九行行十七字詩題低三字和詩亦同銜名低
四字詩不低格宋諱貞朗眺徵曙署樹估構構字有
減筆板心上有字數下有刊工人名板刻清朗楷印
俱佳宋刻中最精善之本汲古毛氏刻本於寶常詩
謁三閭廟下脫去杏山館聽子規一首云楚塞餘春
聽漸稀斷猿今夕讓霑衣雲埋老樹空山裏髣髴千
聲一度飛又誤字甚多如寶常傳牧丁誤牧下小職

誤少職疏泉誤流泉黃州誤廣州常詩中滁東誤除
東召公爲保誤君爲宮保連雲誤連天金鉤店店誤
居寶牟詩中銀臺誤臨臺少人家人誤年疾驅誤疾
駮秦客誤秦官苦澁誤若澁北部誤比部詎可云云
誤聞寶羣傳復全誤復前京兆尹尹誤命任蘇州任
誤在羣詩中冢樹誤家樹謝時人謝誤試寶庠詩金
成柱成誤城朱絲絃誤朱絃琴無俗心俗誤塵瞳瞳
誤重重寶羣詩傳舊交誤舊文羣詩中侍彤閣侍誤
待猶言誤猶疑探掇誤探掇今年誤新年卷末潛夫
詩梁苑夜夜誤後微此本無以訂正也此卽義門所

得之葉氏藏本爲顧大有舊物後入士禮居黃氏藝

芸書舍汪氏邑中龐氏今歸余插架三百年來輾轉

購藏不出吳中也

卷首末有顧大有印南陽叔子苞印二泉下學齋圖書記百宋一廬

諸朱記

搜玉小集一卷

舊鈔本

不著編輯名氏卷末有竄菴老人題識云此集乃仲

兄所錄兄沈靜寡言不妄交人日以詩書自娛惜中

年不祿展讀之下如見音容詩共六十二首四人

錄無詩與原目凡三十七人共六十三首不合惟胡

鵠崔顥王翰陳子昂名猶存目中尙仍原本之舊

卷首

有範芳私印
容齋二朱記

古文苑九卷

影鈔
朱本

唐無名氏編淳熙六年韓元吉刻有跋舊爲趙凡夫
所藏孫岷自陸敕先假得葉林宗鈔自趙本者傳錄
又從錢遵王假舊鈔本參校遂爲是書善本今陽湖
孫氏所刻卽從此出有孫岷自手跋曰趙凡夫藏宋
刻古文苑一部紙墨鮮明字畫端楷靈均鈎摹一本
友人葉林宗見而異之亦錄成一冊藏之家塾辛巳
夏同陸敕先假歸分諸童子三日夜鈔畢但存其款
式耳其宋字形體葉本已失之也又陸敕先手跋曰

戊戌五月借錢遵王鈔本校一過其筆畫異同處標

識於首以俟再考又跋曰趙靈均臨摹本亦歸林宗

五月十二日并假再校略無魯魚之謬矣

卷首有陸貽典印陸

氏敕先收藏書籍廣圻審定顧澗蘋藏書諸朱記

古文苑二十一卷

宋刊本

宋章樵重編略據唐人類書校正原本增益篇數又

爲之注有自序及吳淵後序韓元吉題記江師心盛

如杞二跋每半葉十行行十八字注用雙行行二十

至二十二字不等刻於嘉熙丙申修於淳祐丙申匡

徵楨貞桓慎淳敦惇字闕筆明刻本僅存自序一篇

字多舛謬如孫叔碑野無螟蝻注蝻卽螟蝻案爾雅食苗心螟食葉螟蝻爲貸螟之譌明刻作蝻蝻尤大謬矣又楊雄蜀都賦迎春送冬九卷本脫冬顧淵寶引文選三都賦注以補之不知宋刻章注本實不
缺也明翻本則譌冬爲臘矣

文苑英華一千卷

舊鈔本

宋太平興國七年翰林學士承旨李昉學士扈蒙給事中直學士院徐鉉中書舍人宋白知制誥賈黃中呂蒙正李至等奉敕編續命翰林學士蘇易簡中書舍人王祐知制誥范杲宋諤等參修刊於嘉泰改元

春至四年秋訖工每卷後有登仕郎胡柯鄉貢進士
彭叔夏校正一條卷末有成忠郎新差充筠州臨江
巡轄馬遞鋪王思恭點對兼督工一條周必大記纂
修事始并序此本爲明初人依宋本傳錄款式尙仍
其舊

卷首有曾在李松雲處寫石經
室朱十彝尊錫鬯滄華諸朱記

文苑英華纂要八十四卷

宋刊本

此書出宋高似孫鈔撮取英華中麗句可供漁獵者
編之注明每篇題文共分甲乙丙丁四編有嘉定十
六年自序云治使史公所槩愛日精廬藏書志因後
有延祐甲寅趙文序目爲元刻本其實書中朗恆貞

徵署最等字皆有減筆爲宋刻無疑趙序乃元時所
加也諸家書目罕有著錄惟見季氏書目譌作十卷
傳是樓書目有高似孫文苑英華摘句當卽是書又
有會通館活字本其甲編中第二十八葉原闕乃削
去二十九葉首行初賦二字卽以當十卷首葉失其
真矣宋本闕甲編卷一至十六乙編卷二十三至三
十七黃堯圃假得汪氏所藏宋本校補全

卷中有甘泉江鄭堂

收藏復翁平江黃氏圖書諸朱記

文苑英華辨證十卷

抄本

宋彭叔夏撰并序寶山黃平泉從潛研錢氏藏影鈔

宋本傳錄有盛大士手跋曰寶山黃茂才臣變貽余
此本余以鮑氏刻本校勘其第一卷用字門鮑本脫
簡二幅空白二十行廷博跋語云此是影宋鈔本之
舊今此本僅存半幅黃君云從竹汀先生借鈔其所
脫簡短於鮑氏未知孰是又誤處較鮑刻爲多而亦
有數處勝於鮑刻者今就顯誤處校改之其小異者
仍其舊以備參考焉

文苑英華辨證十卷

明活字本

此本出錫山華氏蘭雪堂以銅字擺印特無印記耳
板心有歲在癸兆攝提格及大小字數是書字句多

所脫遺未爲精善以其出自宋本存之

卷首有范印
文安朱記

西漢文類五卷

宋刊
殘本

題陶叔獻編是書晁氏讀書志著錄作二十卷此本
原書四十卷今存卷第三十六至四十卷末有紹興
十年四月日臨安府彫印一行每半葉十三行行二
十四字分注二十五至三十字不等敬竟殷匡貞徵
榘桓完等字減筆紙面鈐清遠堂三字朱記當是南
宋時紙鋪號也舊藏愛日精廬張氏

文粹一百卷

元刊
本

題吳興姚鉉纂并自序明刊本已改行款是本猶仍

宋刻之舊書名無唐字其賦頌等總幾首卽在首行
書名下次行撰人姓名次二行聖德與含元殿賦等
并列不分兩行每半葉十五行行二十五字吳中孫
古雲家藏宋刻殘本覈之悉同惟宋本後有臨安府
今重行開雕唐文粹壹部計貳拾策已委官校正訖
紹興九年正月日一條又列校刻銜名十一行監雕
者爲右文林郎臨安府觀察推官林憲左承直郎監
海軍節度推官周公才右承直郎臨安府觀察判官
蘇彥忠也重校者爲左從事郎浙西安撫司准備差
遣劉嶸左從事郎臨安府學教授陳之淵右承奉郎

特添差簽書寧海軍節度判官廳公事王遜左承事
郎添差臨安府府學教授周孚先也主刻者爲右朝
散大夫簽書寧海軍節度判官廳公事梁宏祖左宣
義郎通判臨安軍府事朱敦儒右朝散大夫通判臨
安軍府事王榕右朝議大夫充徽猷閣待制知臨安
軍府事兩浙西路安撫使馬步軍都總管張澄也若
康熙中臨川李穆堂藏有宋本舊爲趙文敏邵文莊
季滄葦藏書印記累累乃宋仁宗十七年刻有施昌
言後序爲此書初刻本近聞鄱陽胡氏得一本秘不
示人不知又何本也

卷首有海寧楊芸
士藏書之印朱記

唐文粹一百卷

明刊本

此嘉靖甲申姑蘇徐文明刻本有姚鉉自序施昌言後序及汪偉序淵贊顧氏以宋刻殘本校其半餘據本集及文苑英華參酌校定補正脫誤甚多後有重刊此書者是本其珍珠船也

西崑酬唱集二卷

舊鈔本

宋楊億編前有自序此洞庭葉石君所藏馮定遠錄本卷末有馮記云梁有徐庾庶有溫李宋有楊劉去其傾側存其繁富則爲盛世之音矣葉記云曾錄淨本爲馮借失以此見償中黃筆校改者借孫潛夫本

勘定潛夫用黃俞邵藏本改正卷上後有何煌記云
康熙戊戌春仲借得馬寒中所藏淡生堂抄本校改
二字又有顧廣圻記云驗其筆跡蓋定遠手錄者案
此書元明時不顯於世 國朝凡五刻一刻於崑山
徐司寇再刻於吳門求是堂三刻於長洲聽香樓朱
氏四刻於浦城祝氏又有周楨注本世以朱本爲善
祝本依之今核此本所校有異於祝本者如受詔修
書云寡婦宜憂緯不作疑憂和作云歷帝自儿遽不
作凡遽凡遽出莊子惟儿字从聲莊子釋文無南朝音劉殆作平聲讀耳此詩韻府亦引之
云廊壁燈迴偏照畫不作鹿壁照畫槿花云千金輕

換笑不作經換夜譙云蹁跹霞袖舉不作袖舞咏鶴
云不是鴛鴦在見疑不作不似舊將云新畫儀容當
漢閣不作儀形宜曲云高唐薦枕榮不作高堂無題
云不曾亡國是無言不作忘國又走馬章臺冒雨歸
不作暴雨荷花云香返夢蘭魂不作蘭船又不知誰
有高唐夢不作惟有咏淚云多情不待悲秋氣不作
秋意又江山滿目新亭淚不作江南初秋屬疾云秋
意先侵玉井桐不作知侵樞密王左丞宅新菊云佳
色艷輕霜不作桂色無題云玉壺盛淚祗疑紅不作
承淚譯經光梵大師云機緣芥引鍼不作值鍼清風

十韻云涼颺逗曉迴不作涼颺戊申年七夕云昔人
求富是虛辭不作晉人秋夕池上云林疏露下涼不
作松疏皆勝於刻本也又此本每人名上皆有結銜
祝本無之失其舊矣

卷中有樹廉石君樸學齋歸來
草堂彭城仲子審定戈小蓮秘

笈印半樹齋戈氏
藏書印諸朱記

崑山雜咏三卷

宋刊本

宋龔昱編前有嘉定改元朝散郎監察御史范之梁
序後有開禧丁卯儀真徐挺之跋詩編上中下爲三
卷首張祐慧聚寺終陳世守咏枇杷綠橘寫刻俱精
每半葉八行行十五字構慎敦字俱注廟諱覈之俞

氏允文重輯本足訂譌奪不少如咏慧聚寺之張祐
不作張祐孟郊上方云有時乞鶴歸還放逍遙場不
作有時乞鶴還來放逍遙場陳省善不作省華李堪
宿慧聚寺云但餘天外情不作天外晴張方平縣齋
懷京都不作懷京師林邵和張祐韻云鳥遠迷孤村
不作鳥還脫去和孟郊韻一首云山僧厖眉蒼翻經
坐禪牀層軒豁遠目靜室便異香微風仙籟響過雨
晴嵐光何須向廬阜此卽眞道場張景修歷雲軒云
低頭認鶴巢不作鶴巢傳宏和孟郊韻云樵唱林間
路不作樵笛李乘慧聚雜題序云遭遇聖時不作遭

逢爲苟祿計而至此地不作計於此地淺霞駁雲不作殘霞一合一分不作一合時分時花時秀不作一花時秀今謹記錄不作寄錄又秉初遊慧聚云云提行低一格不連接序後詩云雖難亦容造不作雖艱孫登一長嘯不作亦長嘯壓雲軒依張朝奉韻云巖低木露稍不作露稍靈山講堂云今人設猊座不作猊坐月華閣云陰助草靈春不識不作陰砌草靈人不識又依向主簿韻云轉山僧道筇攜雨不作僧過巖陰堂云採花蜂蝶枉教來不作永教來慧照堂云雲外野鳴幽不作野鳥幽僧拈一枝菊不作一枝竹

素琴堂云子賤敬可高賤下不空一字芬我勝蘭芷
不作芬芳翠屏軒云向背峰巒荷五丁不作倚五丁
秋雨松林成水墨不作似水墨連雲閣云毗耶消息
甚分明不作毗那夕秀軒云靈株瑞草人難識不作
靈枝郊僑訪翠微邈上人云行客倦奔馳不作倦馳
騁蔣璿和張祐韻云松古兀霜根不作松石梁賁題
古上方云偶穿謝屐上層嵐不作謝履范周題崑山
絕頂云不將此境評張孟不作憑張孟郊僑素琴堂
云我嘗見已醒心目不作見之孫寔若虛壓雲軒不
作邵彪作詩云城市厭塵勞不作煩勞朱穀和張敏

叔祠部壓雲軒韻不作朱轂郊正夫寄妙觀大師云
楣拱要敦篤不作榱拱東榮有園池不作園地此樂
難盡錄不作書錄楊備崑邱云雲裏山光翠欲浮不
作欲流慧聚寺云駐錫樓雲石室中一絕不失名葛
次仲題馬鞍山寺云餘生願依止不作休止冲邈翠
微山居詩云看經只在明牕下不作卽在靜坐安然
一炷香不作安禪都緣無事可思量不作卻緣我作
沙彌親見裁不作親自花與人間事一同不作不同
仲并遊慧聚寺用前人韻得二詩云雲散它山雨不
作空山其第二首脫去詩云迎宵山吐月不受寸雲

吞看影篩林杪移樽藉石根參差明梵刹一二數煙
村高處僧眠未攜筇試打門又有陳之茂阜卿平江
守贈石千里詩二首全闕題云石千里來自崑山陳
澗未幾倏爾言別輒成二詩少舒戀戀詩云零露滋
百草灼灼黃花枝眷此忘憂物一盃誰共持人生豈
無好所樂在所知開門望三益邂逅得所思鳴弦詠
綢繆歲莫以爲期候駕不可留良會復何時不愁道
路隔但恐人事違其二云烏鵲巢空壇鸞鳳伏荆杞
懷抱發永嘆感深念君子斯人在空谷弗御紕與綺
松柏培不榮芝蘭種不起浩浩歲月移日莫雪霜底

物理固非常循環有終始但保千金軀清樽傾綠蟻
李衡短項翁云何曾爲致常持滿不作何嘗耿鏐用
彥平韻賦石外舅短項翁云燕領鳶肩非我友不作
鴛肩鍾孝國和韻云送予醉鄉謝膠擾不作送予李
彥平與仲彌性同次唐人二詩韻云盡日因登陟不
作因登陟開尊延月光不作已月光第二首闕詩云
天面無纖靄平川瀕氣吞檣筇臨閣道拂石憩雲根
柳映山前路煙搖水北村醉歸風滿袖斜月在蓬門
又冲邈和孫大夫贈開江沈察判一首亦闕其題下
原注云崑山舊置開江營有兵士二百五十人今全

吳驛乃故基詩云松陵江寒數年餘妙手唯君可決
除四郡樂舒編戶力九重恩賑太倉儲劬農盡喜無
凶澇逃籍皆歸葺舊居已簡上心千古利何須求薦
孔融書送知縣趙通直云或會朝廷求政績不作或
命胡清壓雲軒云畫檐直與莫雲齊不作且與孫覲
崑山道中云樵路踏行雲不作樵徑江面橫匹素不
作江南胡嶧泊崑山云擁被和衣瞽亦眠不作復眠
同仲南弟遊慧聚寺云細認真山與假山不作是假
山過百家灘不作百家渡葉椿次韻靜師仁叟山居
云竹影搖風墮碎金不作移風半陰寒綠雨晴日不

作半巖次韻王翔仲同遊山寺云盈盈青眼綴桑條
不作條桑滌硯探題皆白雪不作白晝一月人生笑
不常不作生人葉時亨示郭仲達云撮髮從遊成潦
倒不作振髮泛舟松江云白鷗盟在容尋理不作客
尋理郭仲達歸崑山省親云漲塵而旋風頭緊不作
回旋顏發待潮顧浦不作顧發詩云裋褐愁蓋藏不
作短褐和蓋謙老遊馬鞍山云小徑縈紆便往還不
作縈行和山間壁上陳子忠詩云兩兩飛鳬墮渺茫
不作隨渺茫趙彥端與諸公會飲崑山放生池亭云
二面納倒景不作一面酒爲河朔傾不作河朔大勝

及寒井不作汲寒井李彥平樂庵初成云傾耳林間
竹畫眉不作兩畫眉題樂庵所藏柳影及松梅二畫
云行人休惜夜兼燭不作休息范成大夜步東寺之
西云滿縣月明春意好不作滿院姚申之寓居全吳
江上云一雨通宵剪菜畦不作韭畦朝來赤腳語言
好不作言語築成芋塹那憂餓不作憂餒將至崑山
舟中作云朝曦忽漏光不作忽滿野光明荒陂光字
不闕到崑山云自笑小才還小用不作大用滕繼遠
同吳斗南登塔院云超然信塵表不作泛塵表趙彥
端題西隱云草樹低迷受晚晴不作愛晚晴江天表

裏玉壺清不作玉潭清葉子強讀書堂云猶有讀書
心不作從我讀書心范至能次韻項丈雪詩云日暝
鵝鵲溜春聲不作漏春聲葉自彊奉賦水仙花以謝
提宮龔丈之貺不作葉子彊詩云江梅避舍不敢干
不作江妃范至能次韻唐致遠雨後喜涼云飛蚊薨
薨已無奇不作無寄趙德莊次韻鄭逢辰直閣遷新
居云弊貂將我竟何如不作敬何如晚歲深期燭有
餘不作獨有餘范至能次馬少伊木犀詩韻云一天
風露不供香不作風冷項彥周和范至能元日云椒
酒勸仙童不作勸仙童題書附去鴻不作題詩馬少

伊索笑圖詩序云余有小墅不作小野詩云雲巖霜
落月照水不作露落樂庵李先生居南林論張同知
掛冠而歸賦二詩爲壽云朝來漉酒巾不作酒中哭
慧聚僧神濟序云神濟乃其師號云不作乃其號詩
云梵音飄斷莫鐘殘不作梵香送崑山丞謝子瀟云
願公袖疏朝甘泉不作袖草范公武和張承吉韻云
巨區可平吞不作平可吞龔希仲期頤堂詩序云作
期頤堂於別墅不作野墅項彥周和鄭逢辰元宵韻
云羣芳欲識龍顏喜不作羣芳徐挺之跋云抑以全
文叔之志云抑俞本譌抒案立道爲龔明之子乃俞

本明之小傳中謂著中吳紀聞及此書何失檢至此

宜其譌謬之多也

卷首有遜敏齋龔朝美氏養壽書齋諸朱記

會稽掇英總集二十卷

鈔本

宋孔延之編并序此書傳本絕稀從淡生堂鈔本傳

錄

樂府詩集一百卷

元刊本

宋郭茂倩編次李孝光周慧孫序舊爲汲古閣藏書

子晉氏以宋本手校補正甚夥案此爲汲古刻是書

時祖本卷九十二後有題記云閱覽前一卷日將下

春付刻催迫迺復披閱不謂遂能終之初九日識

卷中

有毛姓秘藏汲古閣錄定本二朱記

嚴陵集九卷鈔本

宋董棻編案自序棻知嚴州時與郡人喻彥先州學教授沈俅同輯

分門纂類唐歌詩十二冊宋刊殘本

題趙孟奎分門纂類案孟奎字文耀號春谷宋太祖十一世孫觀文殿學士江東安撫使封周國公諡忠惠與憲之子寶祐丙辰文信國榜進士官至秘閣修撰寄貫蘇州全書百卷天地山川類三十二卷朝會宮闕類八卷經史詩集類三卷城郭園廬類二十卷

仙釋觀寺類十二卷服食器用類十一卷兵師邊塞
類二卷草木蟲魚類十二卷每類中又分子目今存
天地山川類六冊草木蟲魚類六冊卷第俱爲書估
攬改其灼然可攷者僅天地山川類之卷三十二草
木蟲魚類之卷三四五六而已每半葉十行行十八
字匡貞朗字有闕筆嚮藏絳雲樓後歸汲古閣自序
總目毛斧季從絳雲樓藏別本鈔補斧季嘗欲覓全
書刻之傳聞武進唐孔明家有其書唐與金壇于子
荆有連因屬嚴拱侯詣于氏邀其爲介物色之其實
唐氏無此書也而拱侯中途宿丹陽逆旅因隣人失

金至逮問令不能決復質之神前置巨鍋傾油其中
架熾炭火炎炎上出逼拱俟手探之并醺熱油塗體
幸無損而釋抵金壇乞子荆作書得唐氏復書而返
斧季有跋詳述其事後復遍訪訖無其書案此書不
見諸家書目惟見葉文莊涇東類藁文莊嘗錄於雷
景陽侍郎僅存二十七卷則此書全本次絕矣原序
世不經見因錄之曰詩源於情性之正其來久矣人
不能無樂樂斯詠詠斯謠詩以興焉世有升降情性
無古今詩未嘗泯也夫子刪詩定取三百篇以爲經
雅頌之音鏗天地動鬼神一時從臣才藝固足辦此

列國之風婦人女子小夫賤隸片善寸美俱所不棄
商頌五篇以那爲首正考父得於周太師夫子汲汲
存之雖左氏所載逸詩如茅鴟所招之類亦太山一
毫芒耳非採星宿遺羲娥也然詩亦非夫子不敢刪
刪之者僭聚流成海聚寶成山聚一代之詩而成集
殆取是耳唐文爲一王法而詩尤工杜子美李太白
韓退之柳子厚人誦其言家有其集不必類聚而傳
也間有一唸一詠散落人寰殘碑斷碣異聞雜紀何
可勝計嘗鼎一臠固知其美終不若過屠門大嚼之
爲快是集之編蒐羅包括靡所不備凡唐人所作上

自聖製下及俚歌郊廟軍旅宴饗道塗感事送行傷
時弔古慶賀哀挽遷謫隱淪宮怨閨情閑居邊思風
月雨雪草木禽魚莫不類聚而畛分之雖不足追思
無邪之盛要皆由人心以出非盡背於情性之正者
也昔荆公嘗選唐人三百家爲一集名曰詩選姚鉉
作唐文粹序亦謂有唐詩類選英靈間氣極玄又玄
等集皆有去取於其間非集錄之大全也雪林李君
龔嗜唐詩窮一生以爲工予旣畢舉子業先公俾學
詩每相與講論歎諸家不可盡見因發吾家藏手出
鏗目合訂分類志成此編宦轍東西軸囑李君足成

之旁收逸墜募致平生所未見者得一千三百五十
三家四萬七百九十一首大略備矣列爲若干卷蓋
首尾十餘年而後畢繕而藏之予懼成之之難而失
之之易也行必攜以自隨公暇時復倒篋繙閱因謀
鏤梓庀焉後之覽是集者如入建章而睹千門萬戶
之富動心駭目迷不知其所從若夫嗜藏而雋其永
啜醴而阻其醇則在君子之自得而已咸淳改元正
月十五日趙孟奎書

卷中有沈與文印姑餘山人斧
季何元錫借觀印芳萊堂印元

照嚴氏修
能諸朱記

古今絕句三卷

宋刊
本

宋吳說編是書標目題古今絕句所采止唐宋二人
曰有唐絕句題前左拾遺工部員外郎少陵杜子美
曰本朝絕句題大丞相荆國文公臨川先生板心注
杜上荆句上荆句中荆句下等字似分四卷而以卷
首目錄卷中卷下核之實三卷也後有跋云說少日
嘗觀山谷老人爲同郡胡尚書諱直以硃綾牋寫杜
陵臨川絕句錯綜問見參以行草亦概開其緒言謂
古今絕句造微入妙無出二家之右說近歲嘗以所
聞質諸當代詩匠咸謂斯言可信不疑今二集行於
世者凡一百二十卷每欲檢尋絕句如披沙揀金徒

勞繙閱暇日掇拾自爲一編得杜陵五言七言凡一百三十有二首臨川五言六言七言凡六百十有三首目曰古今絕句手寫一本鏤木流傳以與天下後世有志於斯文者共之不敢輒爲序引謹以所聞附之篇末紹興二十三年歲在癸酉三月二十九日錢塘吳說題每半葉十行行十四字其杜陵絕句末首江南逢李龜年後採江季共辨正一條有此非杜詩岐王範開元十四年薨崔九滌亦卒於開元子美方十五歲天寶後未嘗至江南云云其臨川絕句以全集本核之五言中無泊雁二首蓋集本誤以五律編

入者六言中多宮詞一首李雁湖詩注本亦有注云
王建詩誤入七言中多四首李注本亦無偶作云一
燈相伴十餘年舊事陳言知幾編到老不如無累後
困來顛倒枕長眠代答陳碧虛云超然便可赴仙期
何苦茅山下泊爲紫府未應無鶴料西城問取我宗
支又奉和闕下云故國波濤煙雨間幽亭時見片雲還
危峰疊障秀如畫卻是江南何處山其二云潮落江
風怒不收昇州一日到眞州綵衣認得經行處事事
錫心欲白頭又五言集句中多一首花下云花下一
壺酒定將誰舉杯雪英飛舞近疑是故人來案吳說

字傳朋師禮之子王逢原之外孫而逢原妻爲荆公夫人女弟吳氏編此是有意推崇荆公而以杜陵配之也書中驚慙讓溝廊字有闕筆當爲寧宗時刻本

卷首有乾學棟亭曹氏藏書二朱記

三蘇文粹七十卷

宋刊本

不著纂輯姓氏前有標目無序跋選老泉文六十八首東坡文二百七十九首頴濱文三百十二首目後有真書墨圖記云婺州東陽胡倉王宅桂堂刊行與歐陽文粹板式相同當是同時所刊紀文達未見宋本譌認明人輯錄故不獲與歐陽文粹並列每半葉

十九行行二十六字敬殷匡恆貞徵讓樹桓構慎字
皆闕筆而惇字不闕光宗前刻本也老泉文有洪範
三論及後序辨姦論爲嘉祐集不載東坡文有邇英
進讀評史評文選等篇爲七集本不載當取諸大全
集本頴濱文有諸論爲四集本不載者皆取諸古史
文中字句多與集本不同亦互有得失可資參校明
嘉靖中有重翻本頗清整譌字亦不多惟東坡文去
姦民篇持吏短長而不可詰者詰譌詰省費用篇徒
兵之衆徒譌徒蓄材用篇是其必然者終不可得而
見也終譌然練軍實篇故兵常驕悍而民常怯而譌

於頴濱文禮以養人爲本論有司請定法令請譌謂
新論上以濟其所不足不譌而餘皆無譌板式與同
亦足爲善本矣

新雕聖宋文海五卷

宋刊
殘本

宋江鈿編原書一百二十卷今存卷四至卷九二冊
是書見晁氏讀書志及文獻通者有賦詩表啟書論
說述議記序傳文贊頌銘碑制詔疏詞誌輓祭禱文
凡三十八門周益公以其編次未善請於孝宗命呂
成公重編呈進錫名文鑑是此書爲文鑑所託始中
如王子韶周邦彥卽鄜等文不概見者猶藉是冊以

傳書中殷警驚恒構減筆每半葉十行行二十二字

辛夷館季氏書目藏有六冊惜更佚去四冊矣每卷有揚

州季氏御史振宜之印
季振宜藏書諸朱記

皇朝文鑑一百五十卷宋刊本

卷首跨行題皇朝文鑑四大字次二行低三格題朝
奉郎行祕書省著作佐郎兼國史院編修官兼權禮
部郎官臣呂祖謙奉聖旨銓次後接進書劄子謝賜
銀絹除直祕閣表及周必大序又次爲總目跨行題
新雕皇朝文鑑總目八字以下每門標目如賦律賦
之類皆跨行頂格題大字其卷數皆別行低一格總

目後爲目錄分上中下題曰新雕皇朝目錄每卷首
題皇朝文鑑卷第幾每半葉十行行十九字板心著
字數及刊工人姓名紙面俱鈐紙鋪朱記卷二十五
至二十七紙背有字審是星命家言其中有寶慶二
年云云的是宋槧宋印也案是書嘉泰間新安郡齋
刊行嘉定間趙彥适修之端平初劉炳又新之此本
讓署桓構瑋敦擴減筆而理宗嫌諱筠均馴俱不減
又萊竹堂鈔本目錄中有端平重修四字此本無之
足知其爲嘉泰原本非端平重修太倉王顥庵据端
平本補錄趙劉兩跋於卷首考之殊不審也此本原

闕卷一至四卷二十八卷四十八至六十八卷七十
五至七十七卷一百五至一百三十五卷一百四十
二至一百五十經邑中張氏蓉鏡鈔補完具卷首謝
表後有題識二行云此尙是嘉泰時初印本在末經
重修前宋刻致佳絕無僅有良足寶貴盥手展讀心

目俱開崇禎甲戌秋日季僊王閨借觀

卷中有葉盛
與中原博叢

書堂韓世能印張丑米宣攜李
項藥師藏毛晉汲古閣諸朱記

皇朝文鑑一百五十卷

舊鈔本

此明棻竹堂鈔本從端平刻本傳錄者前有進書劄
子謝賜銀絹除直秘閣表周必大序從子喬年記編

成文鑑始末及沈有開趙彥道劉炳跋是本行款標
題與嘉泰本大致符合惟皇朝文鑑目錄一行嘉泰
本頂格此本上中下俱空三格且目錄中有端平重
修字此其異也卷末有文莊五世孫恭煥跋郡人顧
抱冲以金石錄跋對開定是書序目爲文莊手書

有菟翁借

讀朱記

古文關鍵二卷

明刊本

宋呂祖謙撰是書皆論韓柳歐蘇曾諸家之文卷首
總論文法以下按篇注釋標抹於旁與直齋書目所
述合

聖宋名賢五百家播芳大全文粹一百五十卷

舊鈔本

宋魏齊賢葉棻同編前有紹熙庚戌南徐許開仲啟
序序後列類目又次爲五百二十家名賢總目卷末
有嘉定三年唐山宋均跋案秀水朱氏跋此書謂所
見徐章仲家宋槧本二百卷考宋跋謂是書葉子實
初編一百卷刊行後一時紙貴旣思書以四六爲宗
宜多採表啟諸作乃復廣蒐旁輯成百五十卷未及
梓而卒云云則此書刊行在光宗時僅有百卷朱氏
所云二百卷乃譌一爲二也此本又有孫氏均姚氏
椿手跋姚氏謂今彭南昌選宋四六集盛行於世卽

取諸是書又四庫全書總目作卷百十卷疑偶脫

五字非有二本云云然盧氏宋史藝文志補及張氏藏書志著錄亦皆作一百十卷此本或是最後續增

足本尤可貴也

卷尾有姚椿之印朱記

迂齋先生崇古文訣三十五卷

明刊本

宋樓昉撰旁有標抹注釋與古文關鍵同寶慶間刻

本有姚瑤序明嘉靖中松陵吳氏重刊

文章正宗二十四卷

宋刊本

宋真德秀撰案劉後村集有跋此書云文忠全書旣成授湯巾仲能漢伯紀其與焉晚使領外與常平使

者李鑑汝明叶力鋟梓以淑後學則爲最初刻本此
本文忠自序已佚亦無劉跋目錄前後雜入倪澄鄭
圭續文章正宗二跋作於咸淳丙寅攷丙寅爲度宗
咸淳二年疑當時合刻本非劉本也每半葉十行行
二十字注字同板心著大小字數及刊工人姓名僅
桓完樹購字有減筆板刻清朗 天祿琳琅所謂寬
行大字用筆整肅者是也

卷首有雲谷山房圖書朱記

西山先生真文忠公文章正宗二十四卷

元刊本

是本標目有西山先生四字前有紹定執徐之歲自
序及正宗綱目一卷文中標抹圈點具存尙出自序

本也明刻有正宗綱目而無自序

卷自有璜川吳氏收藏圖書朱記

續文章正宗二十卷

明刊本

此本乃文忠專取北宋一代之文爲晚年所纂咸淳丙寅金華倪澄得其本於梁椅梁得之公子官參議者相與校而刊之學官至明弘治間舊板殘闕此爲南雍補修本祭酒章某命監丞戴鏞校補者卷末有倪澄梁椅鄭圭跋又戴鏞修板跋

赤城集十八卷

明刊本

宋林表民編是集所選自陳忠肅瓘至玉縣令然凡一百四家其間如陳質窗吳荆溪皆南宋古文作手

其集不傳猶賴是書攷見厓略宋淳祐間有刻本子
夏序之此明嘉靖中重刻

卷首有陸時化印朱記

東萊集註觀瀾文丙集八卷

宋刊本

宋林之奇編呂祖謙集註全詩六十三卷見宋史藝
文志其甲集二十五卷屈子以下六十五人乙集五
卷楊子雲以下十九人院文達以鈔本進呈見其所
著外集此則丙集八卷前四卷皆賦計張衡以下十
五人五卷以後爲說論記計韓文公以下十三人性
其間或稱名或稱字體例殊不畫一則註採取舊說
最爲簡明每半葉十行行十九字注雙行行二十四

字書中桓作亘慎作眞貞禎恒遘有闕而敦廓字不

闕光宗前刻本也

卷首有季振宜藏書周秀實二朱記

麗澤集詩三十五卷

宋刊本

不著編輯姓氏亦無序跋方虛谷謂呂成公所纂蓋因成公有麗澤集說也凡樂府一卷文選一卷陶靖節一卷王無功沈佺期陳伯玉孟浩然王摩詰張說之高達夫儲光羲一卷杜子美四卷李太白元次山韋應物一卷錢起李嘉祐劉長卿武元衡韓退之一卷孟東野張文昌盧仝劉义李長吉賈島一卷柳子厚劉夢得呂化光李益一卷元微之白樂天一卷杜

牧之王建李文饒張祐李義山溫庭筠姚合方千鮑
溶陸魯望鄭谷羅隱許用晦一卷王荊公唐百家詩
選一卷本朝四言古詩一卷樂府歌行附雜言二卷
五言古詩六卷七言古詩一卷五言律詩二卷七言
律詩三卷五言絕句一卷七言絕句三卷雜體詩一
卷每半葉十二行行廿二字明匡恒貞徵完邁慎等

字闕筆

續增歷代奏議麗澤集文十卷附關鍵一卷

宋刊本

不著撰人名氏案卷末附關鍵乃成公所作則此亦
成公編集也凡西漢五卷東漢二卷三國一卷晉一

卷唐五代一卷後附關鍵總論看文字及作文法一卷行數字數同上匡貞桓構慎等字闕筆而敦廓擴俱不闕當是光宗以前刊本又全書皆經朱筆點勘遇宋帝諱並加圓圍至茂陵嫌諱而止蓋寧宗時人手筆也

卷中有毛表季振宜藏書留與軒浦氏珍藏諸朱記

妙絕古今四卷

明刊本

不著編輯姓氏 四庫書目以爲宋湯漢編據趙子常東山存稿書後所云也寶祐間有刻本此明嘉靖中虔州重刻本有東澗自題紫霞老人題談愷序王廷幹跋

衆妙集一卷

舊鈔本

題汴人趙師秀紫芝編卷後有無名氏題識云嘉靖

丙申臘月晦日宋本摹書時寓繡石堂舊爲曝書亭

藏本

卷首有秀水朱氏潛采堂圖書楷李項藥師藏二朱記

二妙集一卷

舊鈔本

此書亦趙師秀所編二妙者賈浪仙姚武功詩也諸

家書目俱未載是書與衆妙集出自一人手寫後有

無名氏跋曰趙紫芝選編衆妙二妙二集世不見

吾友顧大石仁效過訪次山秦思宋執是爲贊次山

藏焉因假摹書實爲宋時刻本不易得也時嘉靖丙

申閏臘三寓繡石堂識又有何小山跋曰此爲竹垞
故籍毛斧老假而不歸旣歿之二年伊子售於書船
余以銀三錢得之康熙乙未秋小山記

箋註唐賢絕句三體詩法二十卷

元刊本

題汝陽周弼伯弼選高安釋圓至天隱註前有方回
序大德中長洲陳湖磧沙寺僧魁天紀與圓至交註
其書乞虛谷爲序刻置寺中世稱磧沙唐詩卽此本
也後有重刻者直題磧沙唐詩之名矣書中末筆爲
義門何氏評點門人某轉錄者黃筆則某自評也惜
未著姓氏

每卷首有朱文剛印曰鏡及吳興
有竹居蓬壺侍史飛華亭諸朱記

吳都文粹十卷

舊鈔本

宋鄭虎臣編傳鈔本多脫譌是本爲宋賓王所藏以

宋本校過正誤甚多

卷首有宋蔚如收藏印朱記

三國志文類六十卷

舊鈔本

不著撰人姓氏蓋繼柳宗直西漢文類而作者此書

卷第與焦氏經籍志合陳氏書錄解題作四十卷疑

未見全書也書中桓朗等字減筆當從宋刻傳錄者

板心有味書室日鈔五字

增注唐策十卷

明刊本

不著編輯姓氏書中魏徵作魏證當爲宋人所集明

正德中重刊有汪燦序

西漢文鑑二十一卷東漢文鑑二十卷

明刊本

題石壁野人陳鑑編并序鑑建安人事蹟未詳著有漢唐史節漢唐文鑑今僅存漢文二種其書摘取本傳中忠言嘉謨之文按朝編輯舊有宋刻巾箱本此弘治中重刻有邵寶序

東漢文鑑二十卷

元刊本

至正間刻本與明翻宋本同而行款異每半葉十行行二十一字

宋人小集九十三卷

舊鈔本

此卽宋陳起江湖集後人得其不全本裒錄之亦有
麤入者原本藏蘇州王逸陶扶搖館太倉宋賓王借
錄以顧俠君藏本校過編分甲至癸十集凡五十一
家十集外又有十六家較今讀畫齋所刻知不足齋
本增多宋器之西塋集王銍雪溪詩羅公升滄洲集
王質紹陶錄釋道燦柳塘外集陶弼邕州小集洪炎
西渡詩洪邁野處類稿孫銳耕閒集凡九家賓王有
跋云秀水竹垞翁秘藏宋人小集中多世所罕見其
客周文遷曾攜數種見售字畫多譌且非其全旣而
王子逸陶有收藏善本編分甲乙凡五十一種於十

集外另有十六種較秀水本爲勝丙午夏借鈔之

卷

有宋高如收
藏印朱記

增廣聖宋高僧詩選前集一卷後集三卷續集一卷

影鈔
宋本

題錢唐陳起編無序跋其前集一卷卽九僧詩也後
集爲贊寧三首智仁三首鑒微二首尙能六首子熙
四首用文六首文瑩二首秀登三首惠璉七首惠嚴
四首顯萬九首延壽智圓各三首遵式九首重顯一
首契嵩三首寶曆一首惟政二首仲休顯忠清晦南
越楚繹各一首道潛三十二首善權十五首梵崇十
七首曇穎一首清順二首元照曉瑩各一首曇瑩五

首仲皎希雅各一首續集爲祕演七首擇隣清外各
一首蘊常七首正勤昭符各一首法具四首如璧六
首惠洪八首道全守璋希顏守詮各一首正宗四首
繼興遇昌益各一首法平慧梵各二首每半葉十
行行二十八字微懸樹字有關筆猶從宋刻影鈔者

舊爲士禮居藏本

卷首有歸安丁
寶書鑒藏朱記

九僧詩一卷

舊鈔本

不著編輯姓氏九僧者劔南希畫金華保暹南越文
兆天台行肇沃州簡長青城惟鳳淮南惠宗江東宇
昭峨嵋懷古其書傳本絕稀惟見晁陳兩家書目晁

謂一百十篇陳謂一百七篇此從毛氏展藏本傳錄
有一百二十四首展續增一首有跋云歐公當日以
九僧詩不傳爲歎展後公六百餘年得宋本弄而讀
之一幸也校之晁陳二氏皆多二十餘首二幸也此
本但有僧名而不著所產又從周輝清波雜志各得
其地名三幸也又從瀛奎律髓得宇昭曉發山居一
首并爲增入四幸也但陳直齋所云景德初案宋刻
志作景德五年今直昭文館陳充今案書錄解題作
陳氏書錄作元年陳克清波雜志作
張亢文獻通序目之曰琢玉工以對姚合射鵰手者
考作陳充此本無之誠欠事也方虛谷謂司馬溫公得之以傳

於世則此書賴大賢而表章之豈非千古幸事哉雜
志又謂序引崇到長安人遊曲江少草入未央深此
亦無之且謂惠崇能畫引荆公爲據讀瀟奎律髓有
宋景文公過惠崇舊居詩又讀楊仲宏集有題惠崇
古木寒鴉詩并歐公詩話清波雜志二則附錄於左
康熙壬辰三月望日隱湖毛辰斧季識

中州集十卷

元刊本

金元好問撰并序是書初刻有龍山趙國寶本爲至
大庚戌武宗三年也此本爲仁宗延祐二年再刻汲
古毛氏所刻列朝詩集行款依此式也卷末有堯圃

跋

卷首有雲間顧氏君澹閣藏二朱記

中州樂府一卷

影鈔元本

此本舊附中州集後原出初刻士禮居以毛氏鈔本重錄又借濂溪坊蔣氏本校錄異字於後卷末舊有墨圖記云至大庚戌良月平水進德齋刊

註唐詩鼓吹十卷

元刊本

金元好問編元資善大夫中書左丞郝天挺註趙孟頫序姚牧庵謂遺山門人郝公新齋童子時嘗親几杖得其去取之指歸恐其遺忘因輯所聞與奇文隱事之雜見他書者悉附章下可當元門忠臣牧庵有

序此本佚之

段氏二妙集五卷

舊鈔本

金段克己成已兄弟詩合編原書八卷今存卷一至卷五其書爲中州集失載有吳澈序及虞集碑銘

文章軌範七卷

明刊本

題夢山謝枋得君直批點目錄後有門人王淵濟跋謂此集惟送孟東野序前赤壁賦係先生親筆批點其他篇僅有圈點而無批注若歸去來辭出師表并圈點亦無之可知書有圈點始於宋末也此明嘉靖辛酉東吳郭邦藩重刻本後附論學統宗一卷乃邦

藩以已意選宋人論數篇前有正德丙寅王守仁序

永嘉四靈詩四卷

影鈔本
殘本

原書未詳卷數此僅存徐照上中下三卷徐璣上卷
汲古閣秘本書目有宋板三本云此書久矣失傳幸
而得此實至寶也此本卽從之傳錄舊有黃復翁跋
謂得諸吾邑張子和觀察樊榭選宋詩紀事時所未
見者

圭塘欵乃集二卷

舊鈔本

元許有壬與其弟有孚子楨唱和之詩中有樂府十
解爲其客馬熙作又附熙圭塘補和詩於後舊爲錢

遵王鈔藏本格附左角有虞山錢遵王述古堂藏書
一行有周伯琦序周溥哈刺台丁文昇黃昇張守正
王翰王國寶等跋

昭忠逸詠六卷補史十忠詩一卷

校本

元劉麟瑞撰并序又岳天祐何喬孫序補史詩劉璣
撰趙景良嘗合編之易名爲忠義集此毛斧季以舊
鈔本校改家刻卷第字句皆與初刻異後有陸敕先
題識二行云顧修遠鈔本校甲寅九月十六日是月
十八日又校一過續有是正處

卷首有虞山毛
扈手校朱記

國朝文類七十卷

元刊
本

元蘇天爵編此至正二年杭州路西湖書院所刻大字本前有准中書省請刻咨文移咨江南行省於贍學錢糧內錢梓王理陳旅序王守誠跋是此書初刻本也目錄後有儒士葉森點對一行

皇元風雅三十卷

元刊本

元蔣易編并序又黃清老虞集序此書惟見焦氏經籍志文淵閣書目天一閣藏本祇存二冊是本始劉夢吉終陳梓卿凡一百五十五家獨爲完善刻於至元三年目錄後有墨圖記曰梅溪書院

唐音十四卷

元刊本

元楊士宏編并序又虞集序其書分始音正音遺響
爲三類論詩有初唐盛唐中唐晚唐之名始自此書
後來有顏潤卿張震爲之注此爲初刻本故無注也

古樂府十卷

元刊本

元左克明編并序書中焦仲卿詩守節情不移句下
未增賤妾留空房相見常日移二句尙是左氏原本

也

卷首有題圖
私印朱記

草堂雅集十三卷

影鈔
元本

題玉山顧瑛類編無序跋始柯九思終釋自恢凡七
十六人元刊本嚮藏郡中文氏卷首標目猶出三橋

國博手蹟文肅有跋稱竺塢帳中秘帙惟錢受之王
淑士曾借錄一部耳後藏愛日張氏近歸郡人吳敏
思其書與閣鈔本始陳基終白恢者編次具異茲
胡君心耘於吳門鈔得見貽其行款字體悉依元刻
云

草堂雅集十三卷鈔本

是本與元刊本卷數同而編次略異元本始柯九思
此本則始陳基終釋白恢凡七十五人較元本僅少
束宗庚一人王漁洋謂竹垞於吳門醫士陸其清家
獲見鈔本一冊而始全則罕傳可知此爲錢唐何夢

華鈔藏本惜未記其所出也卷首有錢江何氏夢華館藏何元錫印二朱記

玉山紀遊一卷鈔本

元袁華編皆紀玉山草堂諸人遊歷唱和之詩中有王濤之紀文達謂無考實山陰人字德輔詩亦見名

勝集

玉山名勝集二卷舊鈔本

不題編輯姓氏前有至正十年金華黃潛序至正十一年湘東李祁序至正九年張翥題玉山詩所編玉山亭館其次序與別本不同曰玉山草堂曰玉山佳處曰釣月軒曰芝雲堂曰可詩齋曰讀書舍曰種玉

亭曰小蓬萊爲上卷曰碧梧翠竹曰湖光山色曰洗
花館曰柳塘春曰漁莊曰金粟影曰書畫舫曰聽雪
齋曰絳雪亭曰綠波亭曰春草池曰雪巢曰君子亭
曰澹香亭曰秋華亭曰春暉樓曰白雲海曰來龜軒
曰拜石壇寒翠所二名爲一處下卷舊爲吳中朱性甫藏
本中秋華亭詩半葉有朱筆注云此朱性甫筆也又
上方有顧墨癡題云性甫高隱藏書孔富往往手錄
者更多此編止書此半葉莫解其故或者當時借他
人之書催索孔急倩人代書耳今獲數行奚啻拱璧
庚午立冬日顧渚題卷末又有題曰此帙朱野航家

藏書目錄卷二十三

望

藏物也前後有存理印章存理卽野航名集內秋華
亭半葉是野航手澤筆畫清勁可觀崇禎二年閏八
晦日埭川顧渚識又有義門何氏朱筆跋云此集朱
野航性甫先生故物而余先妻太原儒人之曾祖雄
蜚先生所藏也先生萬曆癸卯南園貢士己未上春
官奚囊中儲此集其同年宜興徐儀世虞倩比部見
而愛之手錄以去及出守嶺外俾羅浮張萱孟奇開
雕然流傳甚寡張又不學謬分爲八卷頗易置其詩
文次第訛字亦屢見汲古毛氏有抄本四冊而莫從
是正也今年春訪就堂師於見山精舍忽出此集相

示乃知後歸隸川顧渚墨疑又流傳南潯一士人手
師從士人得之者就堂知予爲王氏婿粗知寶愛此
集遂舉以相贈毛丈斧季間而以所藏鈔本屬予校
勘訖事因識於書後又跋云洪水之際禁網方密故
君字多書爲均後來抄本中班班猶有存者駁文未
及收爾又有墨筆跋云勺泉草堂有萬曆初刻本乃
嘉興曹侍郎所貽雖亦分作四卷而詩文之次第尙
仍其舊字畫亦不俗後有跋云右仲瑛亭館題詠集
朱性甫家藏錄本也仲瑛一時風流文雅之盛雖去
之百年猶可想見視今世富家皆多粟農夫耳卽與

仲瑛充糞除之役固知亦不納也鄙哉鄙哉弘治元年八月中秋旦吳人楊循吉題則知君謙當日亦從此本傳錄而刻者誤以糞除爲除糞恐其間亦不無以意謬改之弊云壬辰冬日焯再識於衣研齋

卷中

存理印顧渚之印
西舸城茗生諸朱記

玉山名勝集二卷

舊鈔本

此亦明人鈔本舊爲張青父所藏者字蹟古雅可愛首題玉峰顧瑛仲瑛編次其次序與朱野航本不同曰玉山草堂曰玉山佳處曰釣月軒曰芝雲堂曰金粟影爲上卷曰書畫舫曰春暉樓曰秋華亭曰澹香

亭曰君子亭曰雪巢曰春草池曰綠波亭曰絳雪亭
曰聽雪齋曰白雲海曰來龜軒曰拜石壇寒翠所曰
可詩齋曰讀書舍曰種玉亭曰小蓬萊曰碧梧翠竹
堂曰湖光山色樓曰浣花館曰柳塘春曰漁莊爲下
卷其玉山草堂分題詩下與朱本不同是集以高秋
爽氣相鮮新爲韻朱本昂吉得高字良琦得爽字又
口古七絕一首於立得氣字亦口古一首顧瑛得鮮
字又口古二首記詩不成者三人張本則無良于顧
三人而有鄭元祐得秋字陳基得新字二首記詩不
成者四人其互異處殊不可解又絳雪亭有河南張

渥詩一首爲朱本所無案是書世有傳鈔本多譌奪
處其次序與朱張二本俱不同據義門跋萬曆間有
兩刻本皆出自朱本流傳亦罕若四庫所收之鮑
氏本爲十二卷其次序又異不知出自何本也是本
舊爲愛日精廬藏書卷首未有張丑之印趙宦光印
凡夫僧彌樸村雲章漢曠諸朱
記

玉山名勝外集二卷

舊鈔本

不著編次姓氏上卷紀寄題下卷紀餞送殆出後人
雜採成編非舊有此集也

玉山唱和集一卷附錄一卷

鈔本

不著何人編輯皆玉山與友人唱和之詩多不見玉
山璞藁者其友人亦不盡見草堂雅集與名勝集中
後附西湖梅約冊與水西清興卷舊爲朱性甫藏書
在濂溪坊顧氏繼歸壽松堂蔣氏黃蕘圃假以傳錄
鮑以文刻玉山逸藁時未見此書也卷末舊有題識
云西湖梅約冊借應龍副墨乙巳八月一日小樓上
志又一條云水西清興詩廿二首借徵明家遺墨命
庚孫錄於玉山集後正德五年十月十八日老安窩
有髮僧合十書

大雅集八卷

舊鈔本

題天台賴良善卿編輯錢雅先生會稽楊維禎廉夫
評點前有至正辛丑維禎序至正壬寅吳興錢鼎序
席帽山人王逢後序賴良自記云良選詩至二千餘
首錢雅先生所留者僅在三百古人以詩名世或一
聯一句不爲少也而有擅場雄作則大篇長什又不
厭其多也故今所刊者或一人一詩或一人數十詩
蓋不以多寡較也

滄游集三卷

舊鈔本

元釋來復編來復字見心豐城人主四明之定水寺
工詩與名卿大夫交集其往來投贈詩篇并寺中碑

銘序記等文集中所載諸人多顯俠君元詩選所遺
有揭法劉仁本楊燧釋延俊至仁序

藏書目錄卷二十三終

鐵琴銅劍樓藏書目錄卷第二十四

常熟瞿 鏞子雅

集部六

詩文評類

文心雕龍十卷

舊鈔本

題梁通事舍人劉勰彥和述是書隱秀一篇元至正乙未刻於嘉禾者已闕此後諸刻仍之自錢功甫從阮華山得宋本補足方有完書功甫本藏絳雲樓馮已蒼假以傳錄上方朱筆校字一仍功甫之舊已蒼有跋

卷首有季振宜藏書朱記

新雕詩品三卷

影鈔宋本

梁鍾嶸撰此書見隋志作三卷唐宋志皆譌作詩評
宋志譌作一卷此本卷後有墨圖記云慶曆六年京
臺岳氏新雕乃原出北宋刊本又有嘉靖六年杏月
玉蘭堂主人命錄一行蓋文氏藏書也每半葉十行
行十八字有吳映奎手跋曰鍾氏詩品三卷與劉氏
文心雕龍並爲評騭詩文之倡其妙達文理亦與抗
衡是冊在乾隆丙午館生水草堂時從書賈購得首
尾俱有前人藏印格闌外又有玉蘭堂錄四字蓋猶
是文氏小胥影鈔宋槧之本字蹟雖不工尚有古意

因手爲補綴重裝漫書卷尾

詩式五卷

舊鈔本

唐釋皎然撰并序此書見直齋書錄邑人顧文寧藏

本

卷首有臣榮之印文寧二朱記

吟窗雜錄五十卷

影鈔宋本

此書舊爲蔡君謨孫名傳者所輯凡前人論詩諸書

都爲一編本三十卷見直齋書錄是本题狀元陳應

行編有自序乃宋末麻沙本竄易姓氏重編卷第以

眩人也舊爲邑人顧文寧藏文寧名榮居邑之梅李

鎮亦詩人也

卷首有何焯之印臣榮之印文寧諸朱記

全唐詩話三卷

明刊本

此書不著諸家書目明正德間始有刻本有安惟學
強晟序舊謂宋尤袤延之撰按其書與自序乃出後
人僞託

優古堂詩話一卷

傳鈔本

題毛开平仲中有論韓子蒼送友詩云虛作西清老
從臣知爾才華不能舉即用王摩詰知爾不能薦意

可知宋時不作知禰也

卷首尾有携李曹氏藏書印曹溶二朱記

詩話總龜前集四十八卷後集五十卷

明刊本

題龍舒散翁阮一閔編明宗室月窗道人刊鄱陽程

珖舜用校前有嘉靖甲辰海鹽張嘉秀彬陽李易二
序後有嘉靖乙巳程珖跋李序云舊集頗祿王條而
約之彙次有義是出月窗重定也一集所採書各百
種前集四十六門後集六十一門可謂宏富矣若溪
漁隱叢話謂阮閱撰此題阮一閱未知孰是

王公四六話二卷

宋刊本

宋王銍撰多論宋一朝表啟之文書中涉宋帝俱空
格每半葉十二行行二十字

葉先生詩話三卷

影鈔元本

題石林葉夢得少蘊述古迂陳仁子同補校正此從

仁子刻本影寫甚精仁子嘗刻夢溪筆談此本板式與同

韻語陽秋二十卷明刊本

宋葛立方撰并序又徐林沈恂序立方號懶真子所著有西疇筆耕五十卷方輿別志二十卷歸愚集五十卷外制集五卷今存者惟此書與歸愚集耳乾道間有刻本是編乃正德二年江陽葛謨重刻有都穆序

艇齋詩話一卷舊鈔本

題南豐曾季狸裘甫此書見直齋書錄文淵閣書目

錢氏敏求記直齋謂季狸爲文定從曾孫大理司直

晦之子也舊爲楊夢羽藏本卷首有楊氏夢羽海虞楊儀夢羽圖書二

朱記

四六談塵一卷鈔本

宋謝伋撰百川學海本僅題靈石山藥寮不著撰人

此本出自叢書堂舊鈔有伋自序一篇與直齋書錄

合

文則二卷元刊本

題宋少傅文簡公天台陳騭著前有自序後有陶宗

儀題記云此書始得陳天明本錄於江陰缺序文及

末一板今五年矣乃得莫景行本補足之於松江泗水之上至正己亥六月也陶宗儀志

誠齋詩話一卷

舊鈔本

題廬陵楊萬里廷秀是書爲誠齋集所無傳本亦稀卷中有稱尤延之寄友詩云胸中襞積千般事到得相逢一語無台州秩滿而歸云送客漸稀城漸遠歸途應減兩三程淮民謠云去年江南荒趁熟過江北江北不可住江南歸未得皆梁谿遺藁所無是竹垞西堂未見此書也又稱蕭千巖詩云荒村三月不肉味併與瓜茄倚閣休造物於人無補報問天賒得一

山秋宋詩紀事所無是樊榭亦未見此書也舊爲曹

倦圃藏書

卷首尾有携李曹氏藏書印曹裕璜川吳氏收藏圖書諸朱記

詩人玉屑二十卷

明刊本

宋魏慶之輯宋時刻於湖南止十卷至明天順間江

東宋宗魯蒐訪全本刻之

草堂詩話二卷

舊鈔本

宋蔡夢弼集錄夢弼注杜不傳惟傳此本世亦希有

此爲曹通政寅藏書

卷首有棟亭曹氏藏書朱記

對牀夜語五卷

舊鈔本

宋范晞文撰有馮去非序邑人曹彬侯錄本并跋魚

氏閒止樓孫氏聽竹齋藏書

卷首有魚元傳印閒止樓海虞聽竹齋孫氏珍

藏諸朱記

深雪偶談一卷

舊鈔本

題天台方嶽元善亦曹彬侯錄本也

梅磻詩話三卷

舊鈔本

題吳興韋居安著從鄉中袁氏表鈔本傳錄後有題記云韋居安宋末人所作詩話記宋室諸公爲多其間頗有異聞非近世雷同說之比癸酉歲晚越賈持售收而藏之二酉山人吳曾飛卿識

剡溪詩話一卷

舊鈔本

題四明高似孫續古後有題記云剡溪詩話一卷從
柳大中僉處假歸余遂手錄愚意此書似非似孫所
著觀其筆意與緯略不同姑書此以俟博洽者辨之
丁丑六月十七日俞弁子容甫書於紫芝堂中

精選古今名賢叢話詩林廣記十卷後集十卷

元刊本

題蒙齊野逸蔡正孫粹然前有自序前集載晉唐二
十四人後集載北宋二十八人尚有續集今不傳

修辭鑑衡二卷

舊鈔本

元王構編書中采呂氏童蒙訓多今本不載可以補
佚此本舊藏稽瑞樓

蒼崖先生金石例十卷

元刊本

元潘昂霄撰鄱陽楊本編輯校正廬陵王思明重校
正舊爲曝書亭藏書至正五年其子詡刻於鄱陽者
此書初刻本也有楊本傳貴全湯植翁王思明序潘
詡跋後有黃堯圃顧澗菴題識

卷首有朱彝尊印竹垞二朱記

蓮堂詩話二卷

舊鈔本

題海昌祝誠軒此書傳本絕稀惟見錢氏敏求記所
論多宋人之詩間及於唐卷末有嘉靖壬子春連陽
精舍錄成一行

詞曲類

南唐二主詞一卷

舊鈔本

此書見直齋書錄謂卷首四闕中主李煜作餘皆後主李煜作疑與馮延巳陽春集皆出宋嘉祐中陳世脩手輯多從所見墨蹟錄傳故有殘闕邑人蕭飛濤

鈔本

卷首有汲古閣朱記

陽春集一卷

舊鈔本

南唐馮延巳撰宋陳世脩輯并序直齋書錄作陽春錄謂高郵崔公度伯易題是本已佚亦蕭飛濤所鈔卷後有嘉靖甲辰秋假文氏鈔本錄於縣齋室穀記蓋出自錢叔寶鈔藏本

卷首有飛濤朱記

東山詞一卷

宋刊
殘本

宋賀鑄撰張耒序原本上下二卷今止存上卷每半
葉十行行十八字直齋書錄有東山寓聲樂府三卷
殆別一本也方回詞有梅子黃時雨句世有賀梅子
之稱文潛謂其滿心而發肆口而成雖欲已焉而不
能者若其粉澤之工則其才之所至亦不自知也舊
爲汲古毛氏藏書不解六十家詞本何未刻入也

卷首

有毛襄之印
華伯二朱記

簡齋詞一卷

舊鈔
本

宋陳與義撰此亦出文氏鈔本蕭飛濤所錄

樵歌三卷

舊鈔本

宋朱敦儒撰敦儒字希真洛陽人高宗南渡寓嘉禾初以薦起爲祕書省正字兼兵部郎官遷兩浙東路提點刑獄晚除鴻臚寺少卿至元嘉禾志云以詞章擅名天資曠遠有神仙風致是本流傳絕稀亦見直齋書錄

蘆川詞二卷

宋刊本

舊不題名亦無序跋案直齋書錄謂三山張元幹仲宗撰作一卷此分上下二卷每半葉七行行十三字版貞字有關筆每葉板心有功甫二大字疑是仲宗

別字何義門但見影鈔本仍爲錢功甫錄本謬矣朱
氏詞綜所選據毛氏所刻六十家本故多譌字如賀
新郎況人情易老悲如許如許譌作難訴涼生岸柳
催殘暑催譌摧石州慢到得卻相逢卻譌再怨王孫
樓外柳暗誰家柳暗二字譌倒遂不成句小研魚箋
研譌硯毛刻次序亦異并羨幾首不知出何本也卷
末有黃幾圃跋

渭川居士詞一卷

舊鈔本

宋呂勝己撰勝己字秀克渭川人嘗爲沅州守部使
者忌之中以事罷歸有別業一洲可五百畝植花竹

其上號小渭川作渭川行樂詞善隸書工古法見陳
慙負暄野錄此書藏書家俱未著錄出明人鈔本楨
桓字有闕筆題注恩字提行猶鈔自宋刻可知舊爲
愛日精廬藏本

于湖先生長短句五卷拾遺一卷

影鈔宋本

宋張孝祥撰宋史藝文志直齋書錄俱作一卷此出
乾道間刻本有陳應行湯衡序毛氏六十家詞本先
刻一卷續刻二卷章次俱不合

蕭閑老人明秀集注三卷

金刊殘本

金蔡松年撰題雷溪子魏道明元道注解原書六卷

無序跋今存卷一至三案目卷之二爲廣雅上下卷
三四爲宵雅上下卷五六爲時風上下松年字伯堅
翰林學士靖子官至尚書右丞相始寓汴都其第曰
蕭閑堂又作園於鎮陽曰蕭閑園故自號蕭閑老人
元遺山中州集詩傳云百年以來樂府推伯堅與吳
彥高號吳蔡體集中念奴嬌第二首爲公最得意作
讀之其平生自處可見已道明易州人官安國軍節
度使著有鼎新詩話亦見中州集昔秀水朱氏輯詞
綜未見此集僅於中州樂府中錄取譌以所著爲蕭
閑公集是本雖不全亦罕覩之祕笈矣每半葉十二

行行廿三字雙行夾注行三十字凡供堯乘字皆有
減筆楷瑞樓得諸郡中周氏

右詞集

花間集十卷

明刊本

題銀青光祿大夫行衛尉少卿趙崇祚集歐陽炯序
是書有紹興十八年刻本晁謙之跋此明嘉靖間依
樣重雕謙之謂皆唐末才士所作

陽春白雪八卷外集一卷

舊鈔本

宋趙間禮編間禮字立之臨濮人事蹟未詳直齋書
錄作五卷亦見文淵閣書目此出元刻本所輯詞凡

二百餘家一歸雅音堪與花庵詞選絕妙好詞並重
閒禮所著有釣月詞今已佚卷中有玉漏遲法曲獻
仙音瑞鶴仙好事近四闕又郭從範瑞鶴仙浣溪紗
念奴嬌三闕朱氏詞綜未載其人可以補闕

中興以來絕妙詞選十卷

明刊本

題花庵詞客編集有淳祐己酉玉林自序玉林黃昇
字也後有無名氏題記云謂玉林此編姑據家藏文
集之所有朋遊聞見之所傳嗣有所得當續刊之若
其序次亦隨得本之先後非固爲之高下也云云據
序謂親友劉誠甫謀刊諸梓此記當是劉氏筆卷末

有墨圖記云萬曆二年七月既望龍丘桐源舒氏伯

明新雕梁溪寓舍印行

卷首有二知齋手澤
梁書堂印二朱記

名儒草堂詩餘三卷

舊鈔本

題廬陵鳳林書院輯不著姓氏所采皆元人詞厲樊
榭極愛之謂可匹周草窗絕妙好詞近有刊本傳世
此本爲葉石君鈔藏有手跋曰右元人草堂詩餘三
卷借已蒼馮氏藏本錄原書有姑蘇吳岫塵外軒讀
過并方山二印崇禎己卯冬十二月十二日

還山新樂府五卷

鈔本

金元好問撰是書惟見文淵閣書目世無刊本朱竹

坵輯詞綜取諸明人選本未見是編也舊爲愛日精廬張氏藏書中多譌脫近於張子謙處借得王蓮潭藏舊鈔本校勘一過

右詞選

新刊張小山北曲聯樂府三卷外集一卷

舊鈔本

元張可久撰可久字小山慶元人以路吏爲首領官夙工詞曲明李中麓嘗搜采其作刻成二卷曰小山小令此汲古毛氏從元刻本傳錄前有海粟馮子振燕山高栻題詞二閱目錄後有刊書人題識云小山樂府前集今樂府後集蘇隄漁唱續集吳鹽別集新

樂府今類爲一編與眾本不同外集近間所作云云其每調下仍以四集爲次較李刻多至百餘首爲小

山樂府之全書矣

卷首有毛晉私印汲古主人二朱記

樂府補題一卷

舊鈔本

不著編輯姓氏案陳旅安雅堂文集陳恕可墓誌知爲恕可所輯舊鈔陳皆誤練所錄皆宋末人詞王沂孫周密王易簡馮應瑞唐藝孫呂同老李彭老陳恕可唐珣趙汝納李居仁張炎仇遠凡十三人多一題同賦題下注明其處曰委宛山房浮翠山房紫雲山房餘閒書院天柱山房等蓋當時會友所作也委宛

山房即恕可所居之室自號委宛山人舊為汲古毛

氏鈔本

卷首有汲古主人毛子晉氏毛晉之印黃丕烈印蕘圃諸朱記

天下同文一卷

舊鈔本

不著編輯姓氏所錄元人詞盧摯姚雲王夢應顏奎

羅志可詹玉李琳凡七人見文淵閣書目亦毛氏鈔

本

卷末有汲古主人毛子晉氏毛晉之印諸朱記

樂府新聲三卷

元刊本

不著編輯姓氏宋元人新樂府皆分套數汲古閣藏

本

卷尾有毛晉私印子晉二朱記

朝野新聲太平樂府八卷

元刊本

題青城澹齋楊朝英集皆采元人新製樂府按宮調
編次舊爲朱竹垞藏本而中如貫酸齋關漢卿姚牧
庵諸人詞綜俱未錄入蓋纂輯時猶未獲此書也

有梅會里朱氏潛采堂
藏書竹垞收藏二朱記

太平樂府九卷

明活字本

明萬曆間擺印卽楊氏所編者卷首冠以燕山卓從
之中州樂府音韻類編一卷邑人孫唐卿所藏以元
刻本校過并跋

卷首有虞山錢曾遵王
藏書孫唐卿氏二朱記

中原音韻一卷

元刊本

題高安艇齋周德清輯并序又跋德清工詞曲與虞

集歐陽玄羅宗信交故諸公皆爲之序道園謂是書
以聲之清濁定字爲陰陽又以聲之上下分韻爲平
仄使用韻者隨字陰陽置韻成文各有所協則上下
中律而無拘拘之病矣舊爲蕭飛濤藏本

卷末有江
聲朱記

鐵琴銅劍樓藏書目錄卷二十四終

後序

常熟藏書家遠有端緒自明萬卷樓楊氏脉望館趙氏絳雲樓錢氏遞相祖述汲古毛氏實集其成羽翼之者述古錢氏近之愛日稽瑞兩家繼之叢爾一邑儲藏之富甲於東南蓋典籍天下之神物也非其人非其地則神物不能以久聚吾邑爲言子故鄉聖門文學南方得其精華蕭梁太子讀書之臺至今猶在虞山尙湖靈秀扇發山川人物理相感召故雖琅函寶笈聚散無常不久旋復其故斯始有神者主之耶鐵琴銅劍樓者昭文罍里瞿氏藏書之室也瞿氏瑛母家外從祖蔭棠府君性好書積十餘萬卷繪

後序

檢書圖以見志舅氏子雍府君搜奇羅佚不懈益勤倣郡齋讀書志直齋書錄解題例編成書目昔唐杜暹好藏書卷後題云清俸買來手自校子孫讀之知聖教醫及借人爲不孝舅氏每援此語爲兒輩諄諄告戒瑛少時往來母家舅氏之訓猶能略記一二其於古書愛護之深若是惜目未刊行而舅氏遽卽世子敬之潛之克承先志延同邑王君寶之太倉李君崧耘館於家任以校讎之事長洲宋于庭先生爲作書目序書甫成刊經部三卷適遭咸豐庚申之難板毀於兵潛之稱載書籍轉徙流離最後渡江而北藏之海門寇退載書回里繪虹月歸來圖瑛爲作記時

瑛分纂郡志敬之昆仲致書倩瑛介紹延郡中管君申季
王君芾卿葉君鞠裳同至罍里重校缺者補之誤者正之
光緒三年八月瑛偕濬之同赴吳門面邀諸友來鄉以藏
前事濬之得暴疾歿於舟次臨歿猶以書未行世爲恨子
斐卿第卿旣痛厥考齎志以歿凡宋元善槧暨前明諸家
藏本久散四方者留心采訪稍稍購歸又承其伯父敬之
命增修全板而後先人累葉未竟之業至此始告成因思
瞿氏四世以來收藏釐訂代有替人中更兵燹波濤之險
其書十亡六七其日幸而獲存吾邑藏書家其必以瞿氏
爲後勁矣瑛前與王季兩君爲文字交繼又與申季諸君

同與斯役請爲之序爰述其始末如此

光緒五年三月同邑張瑛拜序

吾家藏書之富權輿於曾祖祖考兩世凡宋元暨

前明善本不惜重價收購儲積至十萬餘卷遂成鉅
觀鐵琴銅劍樓書目一編其先後創述源流具詳

張表伯序中茲不復贅獨念甲少孤祖父之事俱

不及兄僅得諸吾嗣父與吾兩兄之傳聞知吾

祖所尤加意者恆以書之鬻借爲子孫戒甲敬佩之

弗敢忘洎伯兄仲兄相繼歿後甲忝任箕裘竊思書

目之成由祖若父以逮吾兄厯四世而始克卒業

惜鏤板全而書未及行世其間又值兵戈四起典籍
大半散亡是書之幸而獲存蓋亦猶剝中碩果矣倘
任先人釐訂之苦心與先兄繼承之至意一旦遽歸
湮沒則小子罪孰大焉爰於書之已付剞劂而間有
謬譌者重與諸名家商定其篇悉加更正既成亟爲
刊布以公同好但其中字義雖經幾輩校讎恐仍不
免疎漏可尋有資補輯敬祈海內 博雅君子匡其
不逮是又 甲之所深幸也夫

光緒二十四年歲在著雍閏茂沼灘月之下澣

孫啟甲謹識